

BAIBAL TUANG PHUAMLING

(Rongmei)

J.C.Choate

**Published by:
World Evangelism Publications
Winona, Mississippi**

© Copyright, World Evangelism Publications

First printing - 5,000 copies - 2024 – **Rongmei**

InDesign Layout: Shane Fisher

Translated by: Samuel Pamei

Email: pameisamuel07@gmail.com

WhatsApp number: (+91) 7627951777

Phone number: (+91) 6009241881

Websites:

www.worldevangelismlibrary.org

www.gospelgazette.com

www.worldevangelism.org

www.worldevangelismmedia.com

Printed by:

World Evangelism Publications

Winona, MS 38967

TITHAIMEI

Mi lairik hei kaling suna tho du thang bamma chamnimei nun khang hipat rei mei tuang nge. Mi hei hapta 13 dou gutna, hapta khou para akhat-khat kathai lana, Weekend Magazine , khou rui tipat bam khuan tuang nge, Colombo, Sri Lanka khou rui. Poubaomei tuang Phuamling lam khou thai makmei nun khang ta ning dat puijaeng rui ai rui nu puikam ti chala khang karamma taan patlou pui tuang nge. Para hu tun naimei tei rui naireimei para lam khou tei le chamma kaduan suna tat kei dat rap-rap puni akhatni kathai gutmei duan pum khou tei latthan ni kum kajao puni nthukmei latbam guai tuang tei.

New Delhi, India thang kalai ngang datmei tang aniu rui lairikbuk suna liang pat lou dat pui tuang nge. Kumma mi lairik nun tei nthae k maknga lat kajat gei si khou nam pat na ntao ngan kum tatkei bam me. Kumdatlana, Sri Lanka, Singapore, Guatamala USA khou khatni kandi baimei aju khou. Mi lairik hei khou na ramma kandi baimei aju thang ni, thai-houmei nun christianmei nun khang kandi kapum khou tilik lou bam mei tuang nge.

Mi taan taanh bammei kaba thu mi lairik palou mei nun ta Baibal tuang phuamling lam tithailou khang tumei tuang nge. Ai apum kahak rui lumme tumei thu mi para guai hei palou pui gan khou Poubaomei tuang phuamling akhatna de, mi phuamling tei Kajan phung puni akhatni nang ni mi phuamlingmei su-puni tummei. Ki, alat di the tuna thu la lou rio. Pana kathai o, nangrana. Kumma mi hei nchummei e thei lalou pu o. Chummei ram mak ge theini lagan do. Mi tei na rui nang rui chummei chaeng khou bam khang de.

Ai ruina mi lairik hei christianmei guai ruina sinna Poubaomei tuang phuamling khou kapammei guaita jai guanglou/ tithailou kanmei khang ta ning nge. Nuhmei kam mi lairik hei sinsu lou o, kumme thei mi rui gaitaan taan pat ngam puni.

Ai rui guang datnimei gan khou ni lairik aju nampat dat khang ning nga bamme khatni mi lairik rui Khrista khang bumaeng khuam guangmei su kandi o.

J.C. Choate
Winona, Mississippi
January, 2000

KAJAOMEI

Para 1	
Phuamling Kaba	5
Para 2	
Phuamling Guangmei	8
Para 3	
Phuamling Lingthaomei	12
Para 4	
Phuamling Lun	16
Para 5	
Phuamling Jan	20
Para 6	
Phuamling Phungmei Luan	24
Para 7	
Phuamling Khou Gutmei	28
Para 8	
Phuamling Taan	32
Para 9	
Phuamling Chunchammei	36
Para 10	
Phuamling Riakdin	41
Para 11	
Phuamling Ruanri	44
Para 12	
Phuamling Ntao-tao	49
Para 13	
Phuamling Aseidou	55

Para 1

Phuamling tuang Kaba

Baibal rui phuamling lam khou dinne tumei hei mei gaankhatna rui sinni nu mak ni tuang ramme. Ki thou tuang phuamling? Kummei phuamling? Tabui phuamling? Mi latthan nun hei khatni baimei aju nun ni dao lou puni, ki ntao suna thu aniu rui phuamling hei tabui cho tumei jao kho.

Kahoumei khou phuamling hei ramakmei fu rei kho. Baibal khou phuamling tumei hei Catholic, Protestant, rammethei Jewish ramme. Mi hei denomination ni ram, inter-denominational ni ram, ramme thei kalang patmei ni ram mak ge. Mi hei disinmei luan tuang phuum ni ramme, mansei katinmei phuumma ni ramme khatni mi hei nbaan puat tuang katinmei kai ni ramme. Kumme thei karu khou mei guai ramme thei tabui tuang dina?

Meigei thang phuamling hei tabui cho tumei thai mak bam gei e, kalam kiu tho kaniu guai ruina phuamling hei rammakmei lam tei thai mak pui jaeng rui. Kumpuijaeng khou rui kaniu rui tabui khang cho tumei thai mak khe, tabui khang gaeng cho, rammethei kataan lam khou ni thai mak khe. Tiki Baibal rui chala sina phuamling hei tabui cho tumei dinne. Phuamling tumei hei Greekmei lat ekklesia, tumei thu “kaopatloumei” tumei tuang nge. Kum the na phuamling tumei hei kaopatloumei mansei phuum/pang, kandi khou rui kaopatlouna Raguangna Npou tuang guangdi khou jai gutloumei tu tuang the (Colossians 1:13). Mi hei Khrista tuang bumaeng pum (1 Corinthians 12:27), Khrista latpiumei nun (Hebrews 5:8,9) khatni hi nun tihei gulouna Katuang phuamling khou lou katinlou the (Mark 16:16, Acts 2:47). Kaguan baina sadat re thei phuamling hei Khrista thei laimei nun pang nge.

Baibal khou phuamling tumei hei kaba kanei pat re. Reimei khou, mi hei kandimei guai tuang khou. Mi luan khou hei e Khrista rui “Ai rui kadilou tuang nge: Nang hei Pitar the, mi taodai ru khou hei Atuang phuamling kasiam thao puni. Kumma taruai raangkat rui ni mi ti hei ngam dat lak khe” tuna salou kanmei tei (Matthew 16:18). Verse geisi ruina phuamling tihei kandi kapumma mei tuang luan khou sinsu na sakanmei. Hikiu thu, nbaan khou phuamling hei nai e thei, mi phuamling tei Baibal tuang sumei su e thei, mi phuamling ta tei the Jisu rui Kamei rui kasiam puni tuna saloumei tei. Kaneime khou, phuamling tihei kabam akhatnamei luan khou salou khouanne. Lat khang kiu, Paul rui Rome khou mei phuamling khang himei gan khou, kamei rui “Khrista tuang phuamling guaina rui nangniu khang duangai kadi e” tuna samei tei (Romans 16:16). Kamei rui phuamling tumei guai khou satu ramme, tiki, Poubaomei tuang phuamling kabam-kabam khou mei luan khou satu e.

Nbuna sa pukhou, Raguang lat rui Korinthmei phuamling, Ephesia-
mei phuamling, Philippimei phuamling (1 Corinthians 1:2; Ephesians 1:1;
Philippians 1:1). Miguai hei mei gaansaek khang thu kasuak-kaguak bamme
kalam thu kaniu rui kalang/denominationalism lungning nai pui jaeng rui.
Tiki, nang ruina thu Raguang latkaeng khou kalang-kalang patmei ariu ni
tuang ramme. Ntao kumma tat keini mei khou hei phuamling nun Poubao-
mei tuang phuamling katun khatnamei khou mei tuang , ki kaniu guai tei
kandi kapummei tuang phuamling kasiam khuanne. Mi hei chala simei de
gaankhat rui kalangpatmei/denominationalism tuang tei ningtou lou mak
pu khou khatni Baibal khou gutna khatni Poubao-
mei rui tilouna tatei hou
pukhou.

Phuamling kaba thaichui khang, aniu rui thailou kho Baibal rui phuam-
ling tihei:

1. Khrista pum. Mi hei buameng tuang Khrista tuang pum e, Khrista
rui kapi sulana (Ephesians 5:23). Pum akhat (Ephesians 4:4), khatni pum
khatnamei tei phuamling ni akhatna muai (Colossians 1:18).

2. Raguang Kaikhun. Kai tumei latkaeng hei Raguanglat khou Raguang
tuang kaikhunmeita e tumei dinlou e. 1 Timothy 3:15 khou Raguang tuang
kai hei ringmei Raguang tuang phuamling e tuna Paul rui sa e. Raguang hei
aniupu, aniu guai rui Kana nun (Galatians 3:26,27; Ephesians 1:3).

3. Raguang Guangdih. Guangdih tu e thei guang nai e tumei dinne,
kum the na Khrista hei Guang the (Revelation 17:14). Tiki guang sukhang
hei guangdih nai pui ta e khatni kumma ntao guangdih kiu nai the (Acts
8:12). Aniu rui mi guangdih mei nun su the, kandi kapum hei kakandih su
the khatni Latding Than hei rui Kalatding/Kalatjan su the. Mi hei the phuam-
ling kiu (Matthew 16:18-19).

4. Poubao-
mei tuang Drakhalao. Khrista hei drakhaluai e kumma aniu
guai rui kaluai e (John 15:1-8). Hi khui dinloumei thu drakhalao khou hei
taan taanh lana kathai Poubao-
mei khang nthai khang tumei tuang nge.

Ntao tho phuamling tabuicho tumei salou kan the. Jianlouna tilou bam-
mei nun khou ruina jaona khatni Raguang lat khou jaona kara-rana/nangrana
nang khang jao lou o. Phuamling tihei Raguang rui ningmei khou nang hou
khuan ne thei, nang lungkhan guai kalai puni, nangpanti ngan kalai nu e.

Latthan

Chummei latdao tei hiak nguilou naro.

- | | | |
|------------------------------------|--------|----------|
| 1. Baibal rui phuam lam khou sa e. | Chumme | Khuai e. |
| 2. Phuamling hei Catholic e. | Chumme | Khuai e |

- | | | |
|---|--------|----------|
| 3. Meigei thang phuamling lam thai e. | Chumme | Khuai e. |
| 4. Phuamling tumei lakaeng hei Baibal rui kaba akhatna khou sa e. | Chumme | Khuai e. |
| 5. Khrista rui sa e Katuang phuamling nun kasiam thao puni. | Chumme | Khuai e. |
| 6. Asia khou phuamling chanei tuna samei tei denomination bai-bai-meï ta e. | Chumme | Khuai e. |
| 7. Phuamling hei Khrista pum me. | Chumme | Khuai e. |
| 8. Pum akhatna nai e. | Chumme | Khuai e. |
| 9. Khrista rui phuamling tuang kapi e. | Chumme | Khuai e. |
| 10. Guangdih hei guang ni tuang di he. | Chumme | Khuai e. |

Jianlouna nchummei latdao tilou o.

1. Phuamling ram makmei asaek hilou o.....
2. Tabui Greek lat khou ruina Phuamling tumei latkaeng hei pat tucho?
.....
3. Phuamling hei tabui-tabui rui kasiam tuang cho?
.....
4. Phuamling hei tabui kaba kanei khou sinsu bo?
.....
5. Thou rui atuang phuamling lingthao puni tuna sa bo?
.....
6. Kamei rui aju kasiam thao lou to?
.....
7. Asia khou phuamling chanei kiu kum-kum mei tei cho?
.....
8. Pum aju nai bo?
9. Guang guai tuang Guang kiu thou cho?
10. Aniu rui Poubaomei drakha lao khou tabui su khang tha?.....
.....

Para 2

Phuamling Guangmei

Phuamling hei jinu akhatna khou rui guang tuang ramme. Mi hei dimduan ndaan lou, dinkasuaklou, nrianlou, khatni lingthao lou e. Baibal rui mi guai hei lian lou e.

Reiliangmei khou, phuamling hei Raguang lungning khou nai khuanne. Mi hei Ephesus khou bammei nthanmei nun khou Paul rui kao ndao lou kanne. Kamei rui sae, “Aniu Poubaomei Jisu Khrista Pu khatni kaRaghuang ta thuanku kho. Kalam thu Kamei rui bumaeng suaihiam guai Khrista khou bammei aniu khang tilouna aniuta tingkao kandi khou suaihiamlou the. Khrista Jisu khou bammei pan rui Raguang mei su khang mbaan dam mak khou rui kamei rui aniuta kapahlou the. Mi hei aniu kahu khou nthanmei khatni khabam maekmei su khang e. Njian pui jaeng rui, Khrista pan rui aniuta kana nun tisulou khang Raguang kalungsinglou tangnga kapalou the. Mi hei kamei kahoumei khatni ningmei e. Kati-kaman maeknga njianmei Kana mpou paan rui jao njianloumei himdaimei kajaojian khang hei aniu Raguang ta thuanku kho” (Ephesians 1:3-6). Jianlouna thailou kho tumei thu kamei rui Ephesus khoumei phuamling ta sabam tuang nge khatni mbaan damduan mak khou rui kaniuta kapahlou tuang the. Mi kaba thu Raguang rui mbaan dam mak khou rui Phuamling ta kalungning khou nai bamme. Hi kiu thu, Kamei rui damduan bam khouanne hikaan khou tei, kum the na mi tei Raguang lungning khou rui pat kan tu the. Raguang rui phuamling tihei thaorei khou rui damduan lou bamei ti hei heidi thai lou ngam mak, kathuk thai tang thui mak bammei hei ning tang ngam mak ge.

Kaneimei khou, phuamling tihei kaluan geisi khou dinkasuak lou khuanne. Isaiah rui kumma sae, “Nkhammei gan guang pukhou, rakai dingbammei chingbut hei kao liangmei chingbut su puni, chingbut guai khou rui kao tap-tap bam puni. Jaat mpeina rui khou hei dui luang kum guang puni, khou kiu mei nun tei rui kumma sa puni, ‘Aniu Ringpou tuang Rakai khou ku di kho. Kamei rui aniu khou kachaeng tei dinlou puni the; kamei rui dinloumei chaeng khou aniu tat puni. Ringpou tuang latdin Zion khou rui pat puni, kalat Jerusalem khou rui pat puni.” (Isaiah 2:2,3). Joel rui kumma salou e, “Nkham khou ai rui abumaeng mei kathuina khou bunkeilou puni; nangniu na mpou alu nun rui alat din pat puni; gaanthaih nun rui mang manv puni, khatni chabuan nun ndaoman manv puni. Minung kiu ai rui bang pui-bangpu khou nganna abumaeng bunkeilou puni” (Joel 2:28,29). Kum dat lana Daniel ruini kumma dinlou muai e, “Mi kaipou nun rui sin bammei gan khou tei tingkao Raguang rui ngan dat lakmei guangdi akhat ling thao puni. Mi

ta tei ngam dat jat lak khe, tiki hei tei rui mi guangdi guai ta tei sumutsutlou puni kumma hei tei tingsaeng nai bam kan ni the” (Daniel 2:44). Ntou thu aniu hei nun guai tuang lou kaduai jao dikho:

1. Guangdi hei nkhammei gan khou kasiam thao puni.
2. Mi tei chingbut ru khou kasiam thao puni.
3. Kandi guai rui khou tei guang gei puni.
4. Poubaomei rui kabumaeng manseina ru khou bun keilou puni.
5. Mi tei padeimei guangdi kin khou kasiam thao puni.
6. Mi tei rui guangdi nun guaita sumut ngam puni khatni mi tei tingsaengjaeng nai puni.

Higuai hei tabui tun guang tang ngam tha? Tanruai 2 hei palou o.

Kathummei suna, Phuamling hei nrianlou e. John rui sa e ana the tuna (Matthew 3:2). Mi kaba thu ana the, ramme thei asaan mak khou lingthao puni the tumei tuang nge. Khrista rui nrianlou e, “Ai rui nang khou kadilou tuang nge: ‘Nang hei Pitar the, mi taodai ru khou hei Atuang phuamling kasiam thao puni. Kumma taruai raengkat rui ni mi ti hei ngam dat lak khe” (Matthew 16:18). Khou tei Jisu rui kaniu khou sa the, “Ai rui nangniu khou kaling siakna sa tuang e: Raguang guangdi tei ngam daina guangmei ta hou mak saan thei lak nimei mi khou ding bammei pang khou gaansaek nai e” (Mark 9:1). “Jisu rui kaniu khou sa the, ‘Khrista hei rianramei ariu puni kumma nei thumpui nung ringthao dat puni, kumma lung laimei khatni paep kuakloumei lam khou, Jerusalem khou thaona jat guaina khou Kajan khou din ndao puni tuna hiloumei tei mi hei the. Mi guai lam khou din nimei kiu nangniu hei the. Apu rui ti ni tuna nrianloumei tei ai rui nangniu khou ndiu guang puni; kumma kao thang rui nangniu khou pumtan tilou mak saan mi kaidai khou hei bam o.”(Luke 24:46-49). Ntao mu aniu jao-jao ra kho:

1. Guangdi hei ana the.
2. Khrista rui thei bam sinni kasiam thao lou puni tuna nrianlou e.
3. Khrista le bammei nun rui ring nga bammei gan khou lingthao lou puni.
4. Mi tei ngam le kajaona guang puni.
5. Lunglaimei le paep kuakmei hei Kajan khou rui jatti kapum khou dinpat puni.
6. Mi tei Jerusalem khou rui kahou puni.
7. Apostle nun guaita kaothang tuang ngam rui titan lou puni Jerusalem khou rui.

Mi tuang points nun hei lung khou lou o aniu rui phuamling lingthaoloumei lam khou kariangmei gan tei guang thena khatni nang rui hou puni higuai

hei laanpat lou the tumei.

Ntao mu Tanruai 2 tun tei phaek pat ro kumma khou tei pa luan gei sina palou o. Baibal scholar nun rui ni nu e hei kiu thu phuamling hei higan khou tei rui lingthao the tumei. Nbuna, kabam rui Jerusalem, kagan rui nkhammei gan, Rome mei guai kin khou, ngam guang lou the, lunglaimei khatni paep-kuakmei hei kandi kapum khou dinlou the, khatni khou tei rui phuamling hei ntao ngan nai guang the. Kum thena Raguang rui kalung khou Phuamling lungning nai bammei kasiamthao lou the, hi lam khou dinkasuakloumei tei guang tang the, khatni nrianloumei tei ni guang tang lou ngam the.

Latthan

Jianlouna chummei latdao tilou o.

1. Reimei phuamling tei tabui tun naibam bo?
.....
2. Tabui gan khou rui Raguang rui phuamling ta kada kan to?
.....
.....
3. Prophet ganthum guangdi guangnimei din kasuaklou mei nun jan sa o.....
.....
4. Guangdi tei asaan dou ding bam khang cho?
.....
.....
5. Thou rui kasiam thaoni tuna rian lou bo?
.....
.....
6. Thou tuang phuamling kasiam thaone na kamei rui rianlou bo?
.....
.....
7. Aju kasiam thao puni tuna kamei rui rianlou bo?
.....
8. Tabui kajaona guangdih kiu guangni tubo?
.....
.....
9. Phuamling lingthaonimeilam tabui bam khou aniu rui pa khang tha?
.....

Jianlouna hi-nguilou wo chumme nkhuai e tumei.

1. Phuamling hei dim-duan, dinkasuaklou, nrianlou, khatni lingthao lou e. Chumme/ khuai e
2. Phuamling hei Raguang lungning khou rui pat/kahou khouanne. Chumme/ Khuai e.
3. John rui phuamling hei ana the na sa e. Chumme / Khuai e
4. Guangdih tei ngam le kajaona guang khang nge. Chumme/ Khuai e.
5. Lunglaimei khatni paepkuakmei hei kajan khou rui jatti kapumma khou dinpat lou puni. Chumme/ Khuai e.
6. Phuamling tei Jerusalem khou rui kahou khang nge. Chumme/ khuai e.
7. Tanruai 2 rui phuamling lingthaomei lam salou e. Chumme/ Khuai e.
8. Mihei Romei guangkin lung khou e. Chumme/ Khuai e.
9. Nkhammei gan tei kahou kan the. Chumme/ Khuai e.
10. Dinkasuakloumei khatni nrianloumei guai guangtang lou the. Chumme/ Khuai e.

Jianlouna luaisinlou o:

1. “Khrista Jisu khou bammei pan rui Raguangmei su khang.....
.....
2. “Nkhammei gan guang puk hou.....
.....
3. “. Mi ta tei ngam dat jat lak khe.....
.....
.....
4. “Mi taudai ru khou hei.....
.....
5. “ kumma lung laimei khatni paep kuakloumei lam khou.....
.....

Para 3

Phuamling Lingthaomei

Katheimei para khou tei aniu rui jaolou the Isaiah 2:2,3; Joel 2:28,29: khatni Daniel 2:44 khou kiu thu Poubaomei tuang guangdi/phuamling hei nkhammei gan khou lingthaolou puni tuna, Jerusalem khou, Bumaeng Nthanmei guanglouna, kumma jatti kaguaina khou tei guanglou puni khatni mi tei taekmak nga nai bam puni tuna. Kum dat lana Khrista rui nrianlou e Matthew 16:18; Mark 9:1; khatni Luke 24:46-49 khou Kamei rui Katuang phuamling lingthao lou puni tuna, kumma hi tei ngam kajaona guang puni, khatni lunglaimei khatni paep kuakmei hei Kajan khou rui kandih kapumma khou dinpat puni tuna. Kumma ntao, Tanruai 2 khou aniu rui jaolou e thei phang puni mi latlang khou hei din-kasuakloumei guai tei guang tanglou kan the khatni nrianloumei guai tei tanlou bam me tumei.

Aniu rui Tanruai 2 hei pa puigan khou phang nge tumei thu Apostle/ Jiab nun tei Jerusalem kaidai khou bam-bamme hi gan khou tei: “Penticost tingmik tang pukhou, kaniu kabam akhat khou guang kaduai bam khouanne. Khoutei thai mak daeknga, tingpuk thang rui puanjing ranmei khuan kumma khuan akhat keina, hei tei rui, kaniu dung bammei bam kapum tei padik the. Khou tei balei kummei maibuang kummei pang hou the; kumma mi guai tei phak patna kaniu kathui khou toulou the. Kaniu guaina Buameng Nthanmei rui padik the; kumma Bumaeng tei rui tialou tina, kaniu lat bai-baimeis sa thao the. Kandi bai-bai thang rui guanmei raning nthukmei Jihudimeis mei mpeina Jerusalem khou lung bam khouanne. Mi khuan tei chu lana, kaniu mei kangdai guang kaduai the. Kumma mi khou tei kaniu rui sa bammei lat guai tei kaniu khang kalat-kalat khou chu pukhou, kaniu ngak the” (Acts 2:1-6).

Jatti geina katinlou e tumei hiloumei tei kaduan suna salou e: “Kaniu ngak the khatni kaba thai tang ngam mak la thena, ‘Mi hei tabui tuang khang lana cho?’ tuna kaniu khat-khat khou than the. Tiki kaniu gaansaek rui mi nun ta tei sinnuina, ‘Kaniu jou jang mba lana de,’” tuna sa the. Khou tei Pi-tar le jiap 11 tei dingthaona kaoranna, mei kangdai khou tei sa the: “Jihudi-meiputhiu, khatni Jerusalem khou lung bammei nangniu guai, alat nkinglou o. Mi lam khou hei ai rui salou puni. Nangniu rui ningmei kumma mi nun hei jou jang mba lana ramme; ntao laokhuan gandak chakiuna di he. Mi hei mujung Joel rui mi kumma saloumei tei e: ‘Raguang rui sa e: Nkhampuigan khou ai Abumaeng mei kathuina khou bunkeilou puni. Nangniu na mpou alu guai ramundin puni; alao nun rui ndaoman hou puni, gaanthai nun rui mangman puni. Mi gan khou kiu Poubaomei ta kaopui mei ta kanlou puni” (Acts 2:12-17,21).

Pat bammei guai tei karaanmei dinkasuaklou kanmei guai tei tiguang tang lou tuang nge tuna Pitar rui pari suna rakei lou the. Kamei rui Jisu tihei Raguang rui nuloumei mansei e tumei hei chrinmei ngam, angakmei taan, aju kaniu pang khou lianlou kanmei tei rui dinlou the tuna lianlou kan the. Mathang dat khou Khrista ta kakhei-kaorousime i rui nimjaina, rairiuna kaniu rui ningmei lung khou rui suluai lou kanmei lam salou kan the. Kumdat lana, theime i ngam khou rui duaknga Raguang rui Kata/Jisuta tiringthao lou dat kanmei lam tei ni sa ndao lou the. Nking bammei nun ta tei ti nkumlou nu khang rui kamei rui David ta sapan patna Khrista hei ringlou e, thei dat the, nbei lou the, khatni ringthao dat lana tingkao thang guangbampaeng khou, Raguang banjat khou dung bam the tuna kaona salou kan the.

Kamei rui sa katuan keina kumma salou dat re: Mi Jisu ti hei Raguang rui tiringthaolou kan the; mi kiu hουμεi kiu aniu hei the. Kata kapu Raguang tuang baanjat khou jai kao tghaolou the. Kumma kamei rui nrianloumei Bumaeng Nthanmei ei kapu khou rui laa the. Nangniu ntao chu bammei khatni hou bammei hei kamei rui naiu khou bun keiloumei katuang paipat kiu the. Tingkao thang kumei kiu David kamei ham e; kamei rui mi kumma salou e; ‘Poubaomei rui apoubaomei khou sa e: Nang ta jaojime i nun ta nang phaipa bang khou ai rui tinii binlou mak saan, nang abaanjat khou dung bam o. Heijaeng rui Raguang rui Poubaomei khatni khrista tisuloumeipu kiu nangniu rui kros khou thaenglui kanmei Jisu tei the tumei, Israelmei nangniu thai o.: Mei nun tei hei tei chu pukhou lung kabiou the, kumma ‘chanathiu, aniu tabui su nina cho?’ tuna Pitar khatni baime i latdiu me i guai khou tei sa the. Pitar rui kaniu khou sa the, “Nangniu paep guai kuaklou khang, nangniu lunglaina Jisu Khrista jan khou duilup bo; kum pukhou Raguang tuang kaipat, Bumaeng Nthanmei tilou puni. Kalam thu Raguang kamei rui tiini tuna nrianloumei hei nangniu khang, nangniuna nun khang khatni du thang bammei Poubaime i Raguang rui kakhou guang khang kaoloumei guai khang ni e.” kumma lat bai-baime i mpeina si salouna, “Mi meisime i nun khou keilou nime i dandi khou rui pakduak la tho.” Tuna Pitar rui kaniu ta katiu the. Kaniu me i mpeina kalat tei lum the, kumma duilup the. Mi nung tei me i ching thum dou kaniu phuam khou haplou the. Raguang ta thuanna lung bam khouanne, khatni me i guai rui kaniu ta kasian kahaona bam khouanne. Kumma Poubaomei rui kaniu pang khou kanlumei laamei nun ta tingmik pum haplou bam khouanne e” (Acts 2:32-41,47).

Ntao jaokei loumei nthanmei lairik khou rui aniu rui hou the tumei thu Poubaomei tuang phuamling lingthaolou kan the tumei. Nang rui thai kanne hi guai hei Jerusalem khou pat kan ne tumei. Bumaeng Nthanmei tuang

ngam latdiumei nun ru khou bun keilou kan the. Khui tei pat kanmei tei rei khou dinkasuakloumei tei guang tang kan pui tuang nge. Pitar rui siangbaek nga sa e, “Mi hei mujung Joel rui mi kumma saloumei tei e” (Acts 2:16), kum the na hila khou hei lumsi rou dat khang maek khe. Nbuna, mujung nun rui din kasuaklou e hi nun guai hei nkhammei gan khou pat puni tuna, khatni Pitar rui ni sa the mi nun guani hei kumma patpuni tuna, kumma, nkhammei gan khou phuamling hei lingthaolou the. Hi nung tei jatti kapumma guang lou bam kuanne lunglaimei khatni paepkuakmei lam tei dinpat pui gan khou, khatni mi nung kahak tei mei chingthum dou rui latpiu the, kaniu guai ta gulou the, khatni kaniu guai ta tei phuamling khou haplou the. Kum the na, Khrista rui Jerusalem khou rui phuamling hei lingthaolou kan the 33 A.D. kumma mi tei ntao ngan kum naina bam the.

Latthan

Thou rui satuang cho tumei jianlouna salou o.

1. Kamei rui katuang phuamling lingthao puni tuna sa bo?
.....
2. Raguang rui sa e, “Nkham pui gan khou abumaeng mei kathuina khou bun keilou puni” tumei hei thou rui sa bo?
.....
.....
3. “Poubaomei rui aPoubaomei khou sa e : Nang ta jaojimei nun ta nang phaipa bang khou ai rui tini binlou mak saan, nang abaanjat khou dung bam o” mi lat hei thou rui sa tu cho?
4. “Nangniu paep guai kuaklou khang, nangniu lung laina Jisu Khrista jan khou duilup bo; kum pu khou Raguang tuang kaipat, Bumaeng Nthanmei tilou puni” tumei hei thou rui sa tu cho?
5. “Mi meisime i nun khou keilou nime i dandi khou rui pak duak la tho”. Thou rui sa tuang cho mei hei?
.....

Njianlouna dinkasuakloumei tei tilou o.

1. Poubaomei tuang guangdih kiou tabui gan khou lingthao kan ni tuang tha?
.....
2. Mi tei tabui kaidai khou lingthao ni tuang kuan tha?
.....
3. Aju dou mi khou tei luang guang lou ni tuang tha?
.....

4. Tabui le kajaona mi tei guang ni tuang tha?
-
5. Mi tei asaan dou nai bam ni pui tuang tha?

Njianlouna nrianloumei tei tilou o.

1. Phuamling tei thou rui kasiarni tuang tha?
2. Tabui le kajaona mi tei guang ni tuang tha?
3. Tabui tuang chamdin pat ni tuang tha?
4. Jatti aju dou mei khou mi chamdin tei dinpat ni tuang tha?
-
5. Thou jan khou hi nun guai hei chamdin pat ni tuang tha?
-

Njianlouna mi latthan guai hei Tanruai 2 khou rui dao lou o.

1. Thou rui Bumaeng Nthanmei tei latou kan to?.....
2. Kamei bamme tumei su nchinmei guai kiu kum-kummei tei cho?
-

3. Tabui thiak khou Pitar rui Khrista hei Raguangna Npou e tumei mansei nun ta ti lum kan to?

4. Mansei nun pang tei rui tabui kummei latthan than kan to?
-

Khatni latdao tabui kumma tilou kan bo?

5. Gulou kanmei nun ta tei thou rui phuamling khou haplou kan to?
-

Njianlouna kalam sa o:

1. Phuamling.....
2. Dinkasuakmei
3. Pentecost
4. Lunglaimei
-
5. Duilupmei

Para 4

Phuamling Lun

Tabui thiak khou tingsaengnga amaan kanmei marup ta phupat ni na cho? Madanloumei lun ta tei jaona phu mei hei masa rui ta rap tuang di the. Madan lou kanmei lunliak guai tei phang mei tang rui kata tei nang rui lalou khang nge. Mitei kummuaina kandi khou hei phuamling peina nai e. Tabui kumma gaankhat rui kalingmei, nchummei phuamling ta thai khang tha? Kumma gaankhat rui mi hei Khrista tuang phuamling nge tumei thai khang tha? Nang rui madan loumei lunliak guai tei jaolana phuamling guai tei kidana jao khang the. Madanloumei lunliak guai tei phang tang pu khou rui mitei chummei phuamling kiu the tumei thai khang nge. Tiki, madanmei lunliak kiu kum-kummei tei tha? Tabuitun hinun kiu phang khang? Baibal rui latdao e:

1. Khrista rui Phuamling tei lingthao lou e : “Ai rui nang khou kadilou tuang nge: Nang hei Pitar re, mi taodai ru khou hei Atuang phuamling ka-siam thao puni. Kumma taruai raengkat ruini mi ti hei ngam dat lak khe” (Matthew 16:18).

2. Mi tei Jerusalem khou rui kahou kan ne. Mi hei Luke 24:45-49 khat-ni Acts 2:5.

3. Kahoumei kagan hei 33 A.D. re. Mi hei ni Acts 2 khou rui nganglou na phuamling hei Pentecost nung lingthao lou kan the.

4. Phuamling tei Khrista jan phung nge. Phuamling bai-baimei nun khang Paul rui kumma hilou e: “...Khrista tuang phuamling guaina rui nang niu khang duangai kadi e” (Romans 16:16). Nbuna, kamei rui Korinth khou mei phuamling khou kumma sa e: “Nangniu meiguaina hei Khrista tuang pum e, kumma gaankhat khat hei nanu khat-khat re” (1 Corinthians 12:27). Ki meipum kiu Tabui? Phuamling the (Ephesians 1:22,23).

5. Himei nun ta tei Khristian tuna kao e: “...Mi Antiok khou lummei nun ta Khristian tuna kao rei kan the” (Acts 11:26). “Mi katitna mei dak khou rui nang ata Khristian tisulou me tuna cho?” tuna Agrippa rui Paul khou sa the (Acts 26:28). “Tiki nangniu Khristamei supui jaeng rui rianramei ariu e thei, mi khang tei jak rio; tiki nang ta Khristamei tumei jan hei kaolou the tuna Raguang ta thuanku o” (1 Peter 4:16). Khatni khammei khou ningtoulou o, “Ringbam hei thu kapaan na rui latou nina de:kalam thu aniu ta kan-lou khang maansei pang khou tiloumei jan baimei kandi nam ru khou maek ge” (Acts 4:12).

6. Khrista narui kapi e. “Kamei hei kapum phuamling tuang pi e; Kapum hei ringkhang kakhau rui ti guang e khatni kamei hei nareimei, theimei

khou rui ringthao datmeipu e. Mi hei kamei ram kaguaina ru khou kapisingmei su khang nge “ (Colossians 1:18).

7. Akhatna de. “Nangniuta kaouloumei tuang rigunmei hei akhatnamei kumma, pum akhat de, Bumaeng ni akhat de” (Ephesians 4:4). Tiki, pum hei tabui dina? Mi tei phuamling (Colossians 1:18). Kumpuijaeng rui pum akhatna re thei, mi tei phuamling the, phuamling ni akhatna de.

8. Phuamling khou gutnimei thiak. Mi hei lummei kajao e (Hebrews 11:6), lunglaimei (Acts 17:30), lummei sa ndaomei (Romans 10:9-10), khatni duilupmei (Mark 16:16). Gaankhat ta gulou rap be thei, kata tei phuamling khou haplou rap the (Acts 2:47). Khatni Romans 6:3,4; Galatians 3:26,27; khatni 1 Corinthians 12:13 rui dinne gaankhatta Khrista khou khatni Katu-ang phuamling khou duiluplou e. Mi latdan hei piu puipan rui mei gaankhat rui phuamling ramme thei guangdih khou puanlou the (John 3:3-5).

9. Phuamling tuang kalummei thiak kadatdik dikmei. Khristianmei guai rui hapta tuang reimei tingmik nung katin khang nge (Acts 20:7), lu suan khang nge (Ephesians 5:19), kalum khang nge (Acts 2:42), baibal kathai khang nge (2 Timothy 2:15), Poubaomei taektu tu khang nge (Acts 20:7), khatni tipat khang nge (1 Corinthians 16:2).

10. Phuamling tuang riakdin hei baibal nakhou ngang lou e. Mi hei haplou makmei, laganlou makmei, ramme thei kaphaan nsinlou makmei suni tuang nge (Revelation 22:18,19). Baibal na rui phuamling riakdin ne. Mi khui tumei thu Baibal khou na ramma baimei lairik, riakdin nun ta nu mak ge.

11. Phuamling phungmei hei Raguang rui ningmei khou su khang nge. Khrista rui kapi su the (Ephesians 5:23) khatni kabam-kabam khou mei phuamling nun guai tei kaniu-kaniu tuang phuamling gaandai khatni Deacon nai khang nge (1 Timothy 3; Titus 1). Poubaomei tuang phuamling thu nbaan tuang kapi rammethi kapi sumei bam mak ge khatni kandi kapum tuangsumei phuam ni mak ge.

12. Phuamling tuang taanduan hei kasap kathum me. Kataan kiu Gai-cham dinmei (Mark 16:15,16), kage naimei nun ta nkhaloumei (Galatians 6; James 2) khatni phuamlingmei nun ta kasiam thaouloumei (Hebrews 3:12-14).

13. Khristianmei nun guaina rui lumloumei khristianmei panti suna lung khang nge. Aniu rui nbaan ta kahou lak ni na e (1 John 2:15; James 4:4), tiki Bumaeng thai tei nthai khang nge (Galatians 5:22,23). Lumlou puimei na rui ringmei pirun tei latao khang nge (Revelation 2:10).

Minun guai hei phuamling tuang lun sumei nsaek ge. Minun guai hei kaluan naina la pat pui tuang nge, kiu thu Baibal khou rui. Nang tuang phuamling tei le na hinun hei kida na jao tho. Latbam khang kiu reimei kalam

padei tei jaorei jao tho. Kumma, nangrana than tho, “Thou rui atuang phuamling hei lingthao lou to? Mi tei Khrista rui lingthao lou tuang ni rammithei meibaimei rui ni?” Kumdatlana than dat ho, “Atuang phuamling hei tabui tun rui lingthaomei tuang? Mi tei Jerusalem khou rui kahou tuang dai rammethei kabam bai thang rui ni?” Kumma than kei dat ho, ‘Kummei gan khou rui atuang phuamling hei lingthao tuang?’ Mi tei lingthaomei tei A.D. 33 tang rui e thei thu mi tei Khrista tuang phuamling ram the. Kham chui-me khou nangrana kumma than lou dat ho, ‘Atuang phuamling hei kajan kumma phung tucho?’. Mi phuamling jan tei Khrista jan phung mak ge thei kumma Khrista tuang sukhang cho? Nang rui kumma nangrana than kei bam ni di he ki, milang sinni biu the, nang tuang phuamling kiu Khrista tuang dini rammethei mansei tuang ni tumei. Nang ruina ni meibaimei tuang phuamling ta kida na jaomuai nu e mi phuamling kiu Raguang tuang ni ki-uram mak ni tumei. Ai rui lumme kiu thu khiatnamei tei nang rui lungchang phung khuanne thei.

Nang rui bammei phuamling tei Baibal khou samei/dinloumei ram mak khuanne thei, ai rui katiu lou ni e, mi phuamling tei npatlou tho, chummei thai tho, chummei ta tei piu tho, kum lana phuamling khou tei haplou tho, kumlana Raguang lat tei kathai bam nu the. Kum khuanne thei ringbam phang nimei phuamling khou tei nang bam puni the.

Latthan

Jianlouna chumma mundao lou o:

1. Tabui kumma tingsaengnga amaan kanmei marup ta phu khang tha?
.....
2. Asei kandi khou hei phuamling kasing geina kalang-kalang patna nai gei bo?
3. Tukumma gankhat rui mi phuamling hei chummei e tumei thai khang tha?
4. Madan mei lun nun tei tabui khou phang bo?
-
5. Thou rui phuamling hei lingthao lou tuang cho?
6. Mi tei tabui tun khou rui kahou tuang cho?
7. Kummei gan khou rui lingthao lou tuang cho?
8. Mi jan tei tilou o
-
9. Pum hei tabui cho?
-

10. Mi kaikhunmei nun ta tei kumma kao bo?
.....
11. Thou rui phuamling tuang kapi su cho ?.....
.....
12. Phuamling aju nai bo?
.....
13. Phuamling khou gutnimei thiak guai tei ti o
.....
.....
.....
14. Kumma gaankhat rui phuamling gut to?
.....
15. Kalum mei duan thiak tei ti o
.....
.....
.....
16. Phuamling tuang riakdin hei tabui cho?
.....
17. Phuamling khat-khat rui tabui-tabui nai khang cho?
.....
18. Phuamling tuang kasap kathummei taanduan nun tei ti
o.....
19. Khristianmei rui tabui thiak khou lung khang cho?
.....
.....
20. Thou rui ringmei pirun tei nphang khang tha?
.....
21. Maansei rui lingthaomei phuamling tei Poubaomei tuang phuamling
sunu dai?
22. Jerusalem khou rui kahou makmei phuamling tei Poubaomei tuang
phuamling sunu dai?
23. A.D. 33 tang rui lingthao kanmei phuamling tei Poubaomei tuang
phuamling sunu dai?.....
24. Phuamling tei Khrista jan phungmak nga Katuang phuamling
sunu dai?.....
25. Nangta gulou tang nge thei, tabui phuamling khou haplou puni
tha?

Para 5

Phuamling Janphuak

Phuamling hei nthanmei lairik tuang su kho tu e thei, kajanphuak ni mi tuang tei suni na de. Tiki, phuamling janphuak hei maansei rui phuaklouna kasing ni gei si nai bam the. Hi tabui kumma guang tuang tha? Gaansaek thu lingthaouloumeipu ta chakhuang sumei suna kajan ta phuak lou kanmei ni nai the, “Lutheran” tukummei hei chi. Gaansaek rui kaniu rui taanmei thiakta/riakdin ta tumei thu duilupmei thiak, kummei nun ta tikaouloumei suna janphuak tei phuaklou the, Poubaomei taan the tuna. Gaansaek ruina tingmik ta kahim tidai lou the, Pentecost ramme thei Sabbath tingmik kummei ta. Kumma gaanseak rui phuamling phungmei guan khou phuamlinggaandai nun tuang de tuna janphuak suna su the. Ki tho, mi nun guai hei rammethai bai-baimei aju nai bam puni, mi guai rui su bammei tho Khrista him tidai khang de tuna maansei na rui kasiam/ lingthaomei phuamling nun su bam khuan the.

Maansei rui kasiammei janphuak, taanbam guai hei nkhuai e kalam geisina. Reimeikhou, hi nun rui kalang-kalang tibak pat re. Kaniu rui khiatnamei tipat re Raguang ruina ningmei ram makmei khou. Kaniu rui maansei ta su ntamlou the. Kaniu ruina Khrista rui kalum kanmei rasuai ta tei nu mak kan the, Khrista rui thu akhatna subam khang kalum kanpui tuang nge John 17 khou tei hi kiu thu aniu guai hei akhatna subam khang. Kaneimeikhou, kaniu guai ta tikhuai lou e nthanmei lairik khou. 1 Corinthians 1:10-17 Latdiumei Paul rui kaniu guai rui maansei jan phuang lana, kalang-kalang patna khuai bammei lam tei dinlou kan the. Kathummeikhou, Poubaomei janphuak ta maansei janphuak rui nsin lou the. Kumme ki, aniu rui Khrista janphuak lam khou kumma patou e, “Ringbam hei thu kapaan na rui latou nina de; kalam thu aniu ta kanlou khang maansei pang khou tiloumei jan baimei kandi nam ru khou maek ge” (Acts 4:12). Padeimeikhou, maansei rui kasiammei janphuak hei rui jailaanne, su nba lou e, khatni lummakmei nun ma khou khuamei thiak tipat lou e. Mi nun tei rui lum makmei tipat re. Pangumeikhou, kaniu tei rui kaniuta lum bammei nunta khatni kaniu ta phungbammei nun ta ti amaan lou e. Hi nun rui kalam suna kaniu guai hei laanne khatni paep be.

Phuamling suna thu Khrista rui lingthaolou puni tuna nrianlou khuanne (Matthew 16:18). Mi ta tei kajei rui liulou tuang nge (Acts 20:28), Kamei rui guloumeipu su the (Ephesians 5:23), khatni mi tuang kapi su the (Colossians 1:18). Lingthaouloumeipu, guloumeipu, khatni kapi ta champoumei suna kajanphuak hei katuang phuamling janphuak surapmei hei masa rui ta rap tuang di the khatni chummei rap tuang di the. Kumpuijaeng rui Paul rui Rome khou mi phuamlingmei nun khang himei gan khou kumma riumei lat

sunasae, “....Khrista tuang phuamling guai na rui nangiu khang duan gai kadi e” (Romans 16:16). Kum dat lana, Korinth khou mei nun khou kumma sae, ‘Nangniu meiguaina hei Khrista tuang pumme, kumma gaankhat khat hei nanu khat khat re’ (1 Corinthians 12:27). Ki pum hei phuamling supui jaeng rui (Ephesians 1:22,23), kamei rui sabammei hei Khrista tuang phuamling lam khou sabam tu e. Kumma, phuamling tihei Raguang kaikhun tuna ni kao e (1 Corinthians 1:2; Acts 20:28), Raguang tuang guangdi (1 Corinthians 6:9), Khrista tuang guangdi (Ephesians 5:5), Kamei rui jianmei tuang guangdi (Colossians 1:13), aniu tuang Poubaomei tuang phuamling (2 Peter 1:11), phuamling (Acts 13:1), ringmei Raguang tuang phuamling (1 Timothy 3:15), nareimei tuang phuamling (Hebrews 12:23).

Kumme thei tho phuamling ti hei janphuak akhatna ram maknga kao the. Kumlana, Raguang tuang tei Khrista tuang ni muai the, hi tei kumdatna Khrista tuang tu e thei Raguang tuang ni muai the. Kumlana phuamling ta kaomei nun janphuak guai tei Khrista rui linglou kanmei phuamling ta re. Mi tei Khrista tuang phuamling rammi thei thou tuang ni na dina?. Nbuna, janphuak phuamlingta kaomei/thaimei nun khou tei rui, gaankhat ruina nthanmei lairik khou ramma Khrista tuang phuamling janphuak baimei ni kada ni bam nu e. Tiki tho, aniu thu baibal khou bam di kho khatni baibal rui kaomei phuamling janphuak tei kao bam di kho. Kumme thei aniu chum puni de.

Phuamlingmei nun janphuak lam khou tei nthanmei lairik rui nthanthiak nga dinlou e. Kahou khang, mujung Isaiah rui sae Raguang rui kamei nun ta jan than kao puni tuna (Isaiah 62:2). Mi janphuak tei Paul rui tingkum geisi tang phung kanne (Acts 9:15), kumme cho tiki mi janphuak tei Gentilemei guai ruina Raguang lat piunimei kadouchamei phang mak saan tilou mak khuanne. Mi guai hei Antioch, Syria khou guang nthuilou kan the jiap nun guai ta khristian tuna kao khou tei rui (Acts 11:26). Katang dat khou Paul rui guang Aggrippa khou dinlou mei gan khou kamei rui hei kumma dao e, ‘Mi katitnamei dak khou hei, nang ata Khristian tisulou me tuna cho?’ (Acts 26:28). Kariangmei khou Pitar rui kumma sae, ‘Tiki nangniu Khristamei supui jaeng rui rianramei ariu e thei, mi khang tei jak rio; tiki nang ta khristamei sumei jan hei kaolou the tuna Raguang ta thuanku o’ (1 Peter 4:16).

Kum thena, Latding Than khou Khrista theilaimei nun janphuak hei khristian tumei na de. Poubaomei rui ase ngan na kumma kao bam kanmei ta lani e. Aniu ruina janphuak baimei haplouna khatni taanpi jan baimei haplou khuanne thei aniu hei chummei khristian ram the. Khristian janphuak rui nbaan khou rui langlai na bai bam the khatni hi ta tei e Poubaomei rui kage naimei.

Kumma tatkei mei khou rui mei gaankhatna rui sinni janphuak hei ram khatna sin ramme tuna sa ngam pulak khe. Maansei tuang janphuak khou rui khatni taanpi jan khou rui ringbam la ngam ni turam the, ki phung mei nun tei thu amaan kanpuni the mi janphuak tei le tuna. Kabiak akhat thang ruina, Khrista janphuak khouna ringbam nai e.

Jianllouna latlang hei luai lou o:

1. “Phuamling hei nthanmei lairik
2. “Maansei rui kasiammei janphu ak.....
3. “Kalummei” khang neimei
4. “Ntao nang hei.....
5. “Raguang rui kamei nun khang ti puni

1. Phuamling rui nthanmei lairik tuang janphuak phung khang dai
nthanmei lairik tuang su khang? Um Chiak
2. Maansei rui kasiammei janphuak nun hei laan bo? Um Chiak
3. Ringbam hei Khrista khou dai? Um Chiak
4. Poubaomei rui aniu ta aseï ngan janphuak akhatna phung bam khang
ning bo? Um Chiak
5. Gaankhat rui Poubaomei janphuak phung mak nga kata kahim
tidai nu dai? Um Chiak

Jianlouna chummei latdao tilou o:

1. Maansei rui kasiammei janphuak nun hei akumma guang gei tu-ang cho?
2. Maansei rui kasiammei janphuak laanmei nun tei hi o.
3. Tabui khang Khrista rui kalum kan tu cho?
4. Paul ruina chana nun guai rui baknga kalang-kalang pat bam pu khou tabui kumma sakan tu cho?
5. Tabuijaeng khou rui phuamling rui Khrista jan phung khang cho?
6. Romans 16:16 hei hi o.
7. 1 Corinthians 12:17 khou hei Khrista pum hei tabui cho?
8. Phuamling janphuak asaek sa o
9. Phuamling hei Khrista tuang ramme thei thou tuang puni bo?
10. Phuamlingmei nun ta tabui kumma kao tha?
11. Khristian tuna hiloumei baibal bam kathum tei hi o.
12. Asei Poubaomei rui tabui kum bam khang ningmei cho?
13. Khristian tumei pang khou akhatna surap khang nu dai?
14. Tabui jaeng khou rui aniu rui Khrista jan tikao lou nina cho?

Para 6

Phuamling Phungmei luan

Khrista rui phuamling lingthao lou the (Matthew 16:18). Mi phuamling tei kaopatloumei nun pang rui kasiam thao mei tuang nge, kandi kapumma khou rui (Colossians 1:13,14). Mi tei guloumei nun rui kasiam tuang nge (Acts 2:47). Mi tei Khrista tuang bumaeng pum me (Colossians 1:18), khatni pum tei akhatna de (Ephesians 4:4).

Phuamling hei kandi kaguaina tuang suna la pukhou, mi hei mei ching-ching akhatni phuamling ching-ching rui kasiam pui tuang nge. Mi rui dinmei thu phuamling phungmei hei kabam-kabam khou mei rui phung tuang nge, kandi kapum tuang, ramme thei kandi akhat tuang sumak ge. Lat khat khou phuamling hei nbaan tuang kapi nai mak ge, khatni nbaan tuang kapi bam ni mak ge.

Nthanmei lairik rui dinne Khrista hei phuamling tuang kapi e tuna. Aniu guai kabang khou mei nun verse nun hei jaolou kho: “Raguang rui ram guaina Khrista ngam bang khou lou the khatni ram guaina ta sinmei Khrista kamei phuamling khou kapi su khang kakhou tilou the. Phuamling hei Khrista pum e, kabam kathui khou ram guaina ti nthuiloumei Khrista ta ti-nthuiloumei pum e” (Ephesians 1:22,23). “Khrista hei kamei rui kanpatloumei kapum phuamling tuang pi sumei kumma, gaan hei ni nou tuang pi e” (Ephesians 5:23). “Kamei hei kapum phuamling tuang pi e; kapum hei ring khang kakhou rui ti guang e khatni kamei hei nareimei, theimei khou rui ringthao datmeipu e. Mi hei kamei ram kaguaina ru khou kapingmei su khang e.” (Colossians 1:18). Mi verse nun rui tabui din the na? Salou kanmei kumma, Khrista hei pum tuang pi, kiu thu phuamling. Pi kiu aju na?. Khatna de, khatni mi tei Khrista the, mi tei meibai mei le tuna njan mak ge.

Phuamling hei kabam-kabam khou mei phuamling aju tei rui kasiamme, khatni Khrista rui kapi supui jaeng rui kabam-kabam khoumei phuamling nun guai tuang pi tei ni kamei rui su muai the kapi khatni phuamlingmei guai tuang pi ni. Mi khou hei Paul rui kumma salou e, “Tiki Khrista hei ngaanmei pi e, ngaanmei hei kanou pi, khatni Raguang hei Khrista pi e tumei nangniu thaimei ta kahao e.” (1 Corinthians 11:3).

Mathang dat khou rui, kabam-kabam khoumei phuamling tei kaniu tuang phuamling phungmei luan kaniu rana ning sumei khou su khang nge. Khrista rui kapi sulana, phuamlingmei pang khou rui, phuamling gaandai khatni deacon/diken/nkhaloumei kaniu guai ta kadalou khang nge phuamlingmei ta bumaeng tuang khatni ndao pum tuang kage naimei tei phuamling lung khou sigai jao bam khang nge. Gaandai nun guai ruina phu-

milingmei bumaeng ta sigai jaolou bam khang nge (Hebrews 13:17); kumlana, deacon nun rui nbaan luan khou jaosin lou khang the (Acts 6). Nthanmei lairik rui gaandai khatni deacon nun lam khou khatna rammak nga, kasing geimei khou sa e. Phuamling akhat tuang gaandai ramme thei, deacon rui baimei phuamling ta sin khang ramme. Phuamling akhat rui phuamling akhatta sin khang ramme ki, khatle-khatta kariuna nchamma nduang nga baan nguaknga bam khang nge.

Elder /Gaanthai, pastor, bishop, shepherd, khatni presbyter tuna kao bammei guai hei taan bam akhatna phung mei nun de. Kum the na, Elder/Gaanthai hei pastor, bishop kiu rap di the. Titus 1:5-9 khou Paul rui kaniu rui suni mei lam/thiak hilou e, ‘ Ai rui nangta Crete/Krit khou lou dumei thu, taan suak mak nga ganlou kanmei tei taan nthuilou khang khatni kaidai kathui khou phuamling gaanthai nun suanglou khang e. Ai rui nang khou kadilou kanmei tei kumma phuamling gaanthai su nimei thu, khanbam maekmei; kanou akhatna mei; kana nun ni lummei, latpiumei khatni meingam meiliam makmei nina e. Phuamling khou taanpi sinpui mei tei thu, Raguang tuang taan sinpui mei supui jaeng rui, kamei khanbam maekmei su ni na e: dailung phung makmei, lung puam tan makmei, jou mba makmei, kalungrat si makmei, siandui agaem makmei, tiki, gin-ga laalou thaime, gai-me ta lani mei, kapum ta sinriapmei, nchummei, nthanmei, khatni kheiliak chariakh thaime su nina e. Meinun ta nchummei riakdin nchamlouna katiu thaolou ngam khang khatni nchummei riakdin ta nu makmei nun ta akhang ngam khang, kamei nchummei riakdin tei ntipma sinpui mei nina e. Kanou akhat namei; ramme thei nou kao guai namei’. Mi thaek nun hei 1 Timothy 3:1-7 khou ni nai muai e. Kum pui jaeng rui phuamlingmei kathuina rui phuamling gaanthai sungam tuang ramme. Phung biurapmei na ta tisu lou khang de khatni gaanthai nun tei khatna ramma kasing ni gei kanne. Phuamling khou gaanthai /Pastor phung biumei maek khuanne thei nganmei gaankhat rui phuamling mei rui taan nime taan tei jaosin lou khang the pastor/gaanthai phung biumei nai dat mak saan.

Deacon/diken ni kadalou khang the phuamling gaanthai nun le tuna taansu cham khang. Kaniu guai ti hei siamruaime/bang tuna kao e khatni kaniu guai ruina Phuamling gaanthai nun rui samei khou taansu khang nge. Paul rui kaniu tuang thaek kumma hilou e,’ Mi hei kumma diken guai ni chang sip-sipmei khatni kabalei kanei makmei nina e; kaniu jou mba makmei khatni siandui agaem makpui mei nina e; khatni karam lum tei lumsipui tuang maekna lum chang sip-sippui mei nina e. Kaniu ta tei nchan jao rei nina e, kuma nu the tu pukhou rui diken tei tisu nina e. Kaniu nou guai tei

ni kheiliak gaimei, meikai ta nsu-nrau makmei, lung njaengmei khatni ram lam guaina khou lumnupui mei nina e. Diken nun tei kanou akhat namei, khatni kana nun khatni kakai kakaihun ta sinchuina sin ngammei nina e. Kaniu tuang taan taanh chuina taan bammei diken nun ta tei mei nun rui ningchuilou puni, kumma kaniu lummei lam khou bauna sa ngam puni” (1 Timothy 3:8-13).

Tao mi nun guai hei Raguang rui kasiamlou mei phuamling phungmei luan ne. Khrista rui kapi su the, kabam-kabam khou mei phuamling guai tei ruina kaniu-kaniu tuang gaanthai/pastor/bishop khatni diken nai khang the. Kaniu bang khou tei dinpou khatni chamloumei nun khatni phuamling mei nun bam khang the. Poubaomei chaeng luan khou tho, phuamling akhat rui chummei khou rui tat kan pu sinni baimei tei thu kumma tat kei bam khang nge. Phuamlingmei aju tei laanna tat kan sinni na chummei khat tei thu kumma chummei chaeng khou tei tat kei bam khang nge. Poubaomei tuang kasiamloumei thiak khou tho, kabam-kabam khou mei phuamling guai tei ningtha suna bam khang kasiamlou pui tuang nge. Kaniu guaina tihei maansei rui kasiammei riang rui bang mak ge, ki jianmei riang rui bang pui tuang nge. Kaniu guai hei Khrista khou akhatna sumei jaeng rui khatle khat-ta nchamma taan su nchamme khatni kariu katin bam khang nge. Kachaeng thu tigai nbu thuai ku khang mak ge.

Baibal khou/nthanmei lairik khou Peter ramme thei meibaimei rui kapi su e tumei phang mak ge. Kabam khatna khou sinni bishop/pastor/preacher/gaanthai akhat rui phuamling aju ta sinne tumei phang mak ge. Kabam akhtna khou sinni ‘clergy/laity’ tumei phang mak ge. Rachap geithang Raguang rui kasiamloumei phuamling phungmei thiak khou rui patna bam khou rui ntao hei kachap hei ju pat pui tuang nge kandi khou hei. Kumpui jaeng rui Baibal khou haan guang datna nchummei phuamling thiak tei khatni phuamling phungmei thiak tei jao chuina jao kho.

Latthan

Jianlouna chummei latdao tilou o kabang khou mei nun latthan hei:

1. Thou rui phuamling hei lingthaolou tu cho?
2. Tabui rui phuamling hei kasiam tuang cho?
3. Khrista tuangpum hei ndao tuangni bumaeng tuang cho?
4. Phuamling hei aju cho?
5. Phuamling hei.....

kathiak khou

6. Phuamling hei maansei ching-ching rui kasiam pui tuang nge.
.....
7. Phuamling phungmei hei kabam-kabam khouna tuang ni kandi kapum tuang cho?.....
8. Poubaomei tuang phuamling hei kandi tuang kapi khatni kapi sumei bam nai bo?.....
9. Thou rui phuamling kapi cho?
10. Kabam-kabam khou mei phuamling kapi nun tatei kumma kao cho?
11. Gaanthai nun khatni diken nun thau/taan kummei tei cho?
12. Phuamling akhat khou gaanthai khatni diken aju nai khang cho?
13. Gaanthai tihei kajan baimei akumma kao cho?
14. Gaanthai nun rui nainimei thaek tabui tun hilou bo?
15. Diken nun thaek tabui tun hilou bo?
16. Phuamling khou gaanthai khatni diken hei nai nu dai phuamling-meimei hei biumei maek sinni ?
17. Hi kummei thaek khou hei thou rui phuamling ta chaeng jai khang?
18. Tabui kummei thiak khou phuamling nun hei bang katin khang?
19. Raguang rui kasiamlou mei thiak khou rui kasiam chui nu dai?...
20. Nthanmei lairik theilaina, Peter hei phuamling tuang kapi dai?
21. Aniu rui bishop akhat rui phuamling aju ru khou bamme tumei pahtou dai?.....
22. Pastor akhat rui phuamling akhat ru khou bamme tumei pa tou dai?.....
23. Baibal khou aniu rui 'clergy rammethai Laity' tumei patou dai?
24. Tabuijaeng khou rui kandi khou heidi kalang pat bammei tuang cho?.....
25. Phuamling phungmei thiak hei thai khang aniu rui tabui tun jao khang cho?

Para 7

Phuamling Khou Gutmei

Aniu rui ntao ngan kathai gutmei lung khou phuamling thuk tei hou lou kan the. Khrista rui Phuamling khang theilou e tumei nthanmei larik ruini machuang lou e (Ephesians 5:25), khatni Kamei ruina Kajei kahak rui liu lou tuang nge (Acts 20:28), khatni kamei hei phuamling tuang guloumeipu e (Ephesians 5:23). Mi latthan nun hei kumma thao the: Khrista rui kalam nthuk makmei khang theilou puni di ni? Kamei rui gaeng makmei phuamling khang Kajei keilou puni dai? Kamei ruina mi tuang guloumeipu su puni dai gaankhat rui mi paeng thang tei guloumei latou khuan ne thei? Suai mak nga kum mak ge tuna dao rap pung nge , khatni kumni kum mak chang the. Kumme thei tabui jaeng khou rui phuamling thu thuiduak makge tuna sabam dina khatni gaankhat rui phuamling pang thang guloumei latounu khunne thei? Kalam thu maansei nun rui thai tang mak khe khatni kaniu ta kumma ning khang guat lou the.

Kachang nga Baibal rui din makge tumei thu phuamling hei guloumeipu e tuna, ki thu, hi khou tei gut khang nge gulou khang. Noah tuang hi tei kaniu ta guloumeipu thu ramme, ki Noah khatni kakai kaikhunmei tei mi hi khou tei gut pui ta e gulou khang dui thummei khou tei rui. Mi tei kumma phuamling hei ni muai the. Mi tei na ramma, gulou kanpuimei ta Poubaomei rui mi khou tei haplou the. Maansei nun ruina Pentecost nung tei gaicham chu lana piu kan nung khatni hitang guang datmei tingmik nun khou kaniu ruina, “Raguangta thuanna lung bam khuan e, khatni mei guai rui kaniu ta luan lou bam khuan e. Kumma Poubaomei rui kaniu pang khou kanloumei laamei nun ta tingmik pum haplou bam khuanne” (Acts 2:47). Kum thena gaankhat hei guloumei latou the tu e thei kamei tei phuamlingmei su the. Kamei tei phuamlingmei su mak ge thei guloumei latou mak ge. Mi hei kum chala hak pui tuang de. Lat baimaihna sakho tu e thei, phuamling paeng thang guloumei maek ge tumei. Gaankhat hei denomination phuamlingmei rammethai maansei tuang phum nun su mak sinni guloumei latou puni, ki Khrista tuang phuamlingmei su maknga thu gaan khatna sinni guloumei latou ni turamme.

Aniu rui kathai bammei hei kaduan tat keina, gaankhat rui Poubaomei tuang phuamling khou kaning-ninga katin nu mak ge. Hiphiaan tei Poubao- mei rui katuang phuamling khou haplou tuang nge. Kamei rui guloumei na ta phuamling khou haplou puijaeng rui phuamling hei guloumeipang rui kasiam pui tuang nge. Poubaomei rui lungning, ningmei, kummei nun ta jao e karam lum tei rui taan suna latpiuna taanpat buni tuna. Gaankhat tei rui kalungning

nthanne thei Katuang phuamling khou haplou e. Kamei tei lungning nthan mak ge thei Poubaomei rui haplou mak ge aniu maansei na rui haplou bam pusini, kalam thu kamei tei npaeng khou houmeina khou lummei thiak/latpiumei khe na kha supuijaeng rui khatni kalungning tei thu nthui makmei jaeng khatni aniu thu kalungning ta thu hou mak puijeng rui. Gaankhat rui phuamling khou hei kaning-ning kajao nu e thei thu maansei tumei guai ta lalou bamnu de kalungning thu tabui nai cho jao thuai mak nga. Kumpuijaeng rui Poubaomei rui karit laloumei kage naimeituang nge gaankhatta haplou khang hei. Kamei thu thou tei kalingmei cho ramme thei thou rui nchum mana subam tuang cho tumei lam khou suaimeituang maek ge.

Khrista rui phuamling tuang guloumeipu supui jaeng rui, gulou kanmei na ta phuamling khou haplou e, kum tina gaankhat rui tabui thiak sumei hei Poubaomei rui kahao bucho tumei lamni thai e phuamling khou gulou khang hei. Mi hei nthanthiak nga Raguang lat khou dinlouna nai bam the. Mi lam guai hei Tanruai/Latdiumei lairik khou khristian tisulou kanmei nun lam khou tei nthanna lian lou e. Kum bam kan khuan sinnina, Poubaomei tuang phuamling khou gutnimeituang lam tei kaduan-kaduan suna kathai jao kho:

1. Gaankhat rui nchummei tei chu pui ta e. “Kumma lummei hei chuhmei khou rui guang tuang e, chuhmei hei Khrista tadin ndaomei khou rui guang tuang nge.” (Romans 10:17).

2. Kamei rui Khrista khatni Raguang khou lum pui ta e. “Nangniu lung katuak riu, Raguang khou lum o, Akhou ni lumo” (John 14:1).

3. Kamei rui kapaep khou rui lung laipat khang nge. “Kiu ram mak ge! Ai rui nangniu khou sameituang e: Nangniu ni lunglai mak ge thei, hei kumma thei puni.” (Luke 13:3).

4. Kamei rui Khrista hei Raguangna e tuna sadao pat khang nge. “Thou kumei, kamei Amei e tuna mei nun hu khou sa ndaopui mei ta tei, Ai rui ni tingkao thang bammei Apu hu khou kata amei e tuna sa puni.” (Matthew 10:32).

5. Khatni kamei tei kapaep kuak khang tei duilup pui ta e. Mi duilupmei hei dui khou phupmeituang nge (Romans 6:3,4 ; Acts 8:26-39). “Lumlouna duilup pui mei ta tei kanlou puni, tiki lumlou makpui mei ta tei thu kanlou mak ge” (Mark 16:16). “Pitar rui kaniu khou sa the, ‘Nangniu paep guai khuaklou khang, nangniu lung laina Jisu Khrista jan khou duilup bo; kum pu khou Raguang tuang kaipat, Bumaeng Nthanmei tilou puni’” (Acts 2:38).

Ntao tho aniu rui karu khoumei para khou rui tabui thailou tha? Aniu rui Poubaomei rui guloumei ta phuamling khou haplou the tumei thai the. Samei tho, gaankhat rui Poubaomei lat piuna gulou the tu e thei, kamei ta

tei phuamling khou haplou rap the. Aniu rui ntaona hou lou kan the, hei kiu thu, chummei ta chulouna khatni lumlouna kakhuai khou rui lunglaipatlana, Khrista hei Raguangna e tumei sadao patlana khatni duilup kanpui mei ta tei gulou the tumei. Kum thena, gaankhat rui hi nun hei taan pu khou phuamling khou haplou the, kalam tho Raguang latpiumei hei rui aniu ta gulou pui chaeng supui jaeng rui, khatni kumma gulou kanpuimei tatei Poubaomei rui phuamling khou haplou the.

Lat thiak khat khou sapu khou, Raguang tuang guangdi khou gutnimei thu dui khou khatni Bumaeng khou puan than khang nge (John 3:3-5). Tiki, guangdi hei tabui? Mi hei phuamling ta the (Matthew 16:18-19). Poubaomei rui phuamling khou gut khang chaeng kanei nai bo? Masa di the maek ge. Kumpuijaeng khou rui, gaankhat ruina lumma duilup pukhou (Bumaeng rui puanlouna latpan rui khatni hitei rui dinmei ta piu pui paan rui) gaankhat tei Raguang guangdi khou puanlou the, ramme thei, Raguang kaikhun, hi kiu thu, Poubaomei tuang phuamling.

Kumdatlana, Paul rui sa e, kiu thu aniu hei pum khatna khou duiluplou the (1 Corinthians 12:13). Tiki, pum kiu tabui? Mitei phuamling the (Colossians 1:18). Kiu aju nai na? Akhatna de (Ephesians 4:4 ; Ephesians 1:22,23). Kumma gaankhat rui khou tei gut khang? Duilup pui paan rui. Khrista rui sa e gulou khang gaankhat rui lumlouna duilup khang e (Mark 16:16). Hi tei the Corinthians nun rui su kanmei (Acts 18:8). Kumpuijaeng ruina gaankhat rui phuamling khou duilup be thei kamei tei mi tuang na ramme thei kata khou tei haplou the.

Guloumei hei latou khang chaeng khatna de nai mei, aniu rui mi hei hou the, khatni Poubaomei rui guloukan puimei ta tei phuamling khou haplou the.

Latthan

Jianlouna chummei latdao tilou o:

1. Aniu rui kathai keimei lung khou hei phuamling lam khou tabui hou bo?.....
2. Thou rui Phuamling khang theilou bo?.....
3. Tabui rui phuamling ta liulou to?
4. Phuamling ta guloumeipu thou cho?
5. Takumma phuamling hei thuiduak hak ge tumei thai to?
-
6. Kumpuijaeng rui gaansaek rui phuamling hei thuiduak mak ge tuna satu cho?
-

7. Phuamling rui gulou bo?
8. Gulou khang gaankhat rui phuamlingmei su khang cho?
9. Noah khatni kakai kaikhunmei tei tabui tun bam khang cho duidai
khou tei rui gulou khang?
10. Hi paeng thang tei guloumei nai dai?
11. Thou rui guloumei ta phuamling khou haplou tu cho?
12. Mi khou hei dinmei baibal bam ti o.....
13. Gaankhat ta gulou e thei kamei tei tabui phuamling khou bam
puni cho?.....
14. Gaankhat rui Poubaomei phuamling khou katin nu dai?
15. Phuamling khou gut khang kathaek pangu tei kum-kummei tei
cho?
16. Gaankhat rui mi latdan nun hei piumak sinni gulou ngam puni
dai?.....
17. Duilupmei hei tabui cho?
-
18. Duilupmei tabui khang cho?
-
19. Guangdi hei tabui cho?
-
20. Guangdi khou tei gaankhat rui gutnimei chaeng tei akum cho?
.....
21. Pum hei tabui cho?
-
22. Pum aju nai bo?
-
23. Tabui kumma gaankhat rui khou tei gut khang?
-
24. Gulou khang chaeng aju nai bo?
-
25. Phuamling gut khang chaeng aju nai bo?

Para 8

Phuamling Tuang Kalummei

Phuamling hei guloumei pang rui kasiam pui tuang nge. Kathou kiu kalum khang khatni Raguang siamruai Jisu Khrista pan rui su khang nge, ‘Taan khou puni, latsa khou puni, nangniu samei, taanmei guai tei Poubao-me Jisu jan khou sa o khatni taan o. Kapaan rui Pu Raguang ta thuanku o’ (Colossians 3:17).

Latding Than khou kalummei hei kajat kathum nai e. Reimei khou, aniu rui palou the ramthai makmei ram kalum. Paul ruina Mar’s hill, Athen khou bammei nun pang khou bammei gan khou, rammeng kadaeng khou nai bam gei meita hou lana sa khuan the, “Kalam thu ai tat ruanna nangniu tuang kalumpui bam guai jao pu ki, ‘thaimakmei raguang khou’, tuna karu khou hiloumei rachabam akhat hou e. Nangniu thai maknga kalum bammei kiu ai rui nangniu khou din bammei Raguang hei the.” (Acts 17:23). Hi gan khou tei thaimakmei ram kalum kalum bammei tei kumma ntao hei ni thai makmei ram kalum bam mei nai di he. Mei ching-ching rui ra maeng khatni rammaeng ta kalumma bamgei mei na ramma, mei ching-ching rui rachap tuang chapriak baibal tuang ram makmei thaimak pui jaeng rui kalum bam gei di he.

Kaneimei khou, Poubao-me lat rui gaansaek rui gaeng makmei/nsa ram kalum kalumh bammei ta ni salou e. Khrista rui sa e, “Nsa kaniu Ata kalum e, maansei lat ta Raguang lat kumma nchamlou the” (Matthew 15:9). Meigei thang hithiak khou hei kalum bam gei the aseï dou hei. Kaniu rui Raguang ta kalum bam gei e, chum the tiki kaniu guai ruina maansei riakdin khatni maansei chapriak khou rui kalum pui jaeng rui kaniu rui kalum mei tei nsa khou ramme thei gaeng makmei khou kalum bam the, kaniu tuang riakdin tei Raguang rui kahaomei le tuna ncham mak khuan the.

Kathummei khou, Raguang latkeng rui nchummei ram kalum, hi kiu thu buamaeng le nchummei khou kalummei, khou salou e. Aniu rui Khrista latkaeng kumma patou e, “Raguang hei bumaeng nge, kumma kata kalummei guai rui bumaeng khou khatni nchummei khou kalum nina e” (John 4:24). Mithiak ram kalum ma de Raguang rui lalounimeï ram kalum. Mi-hei Jisu Khrista gan khou tei le chamlik the aniu ntao gan khou ni. Mi ram kalum hei Raguang biak thang bumaeng khou rui jao khang (niamma khatni gïanta na) khatni chummei khou (hiloumei tei kumma). Raguang rui Kata gaankhatna ta sinni namphu kalum khang su mak ge, ki Kata kalummei rui Kamei rui ningmei thiak nga khou kalum khang nge.

1. Kaniu guai rui kathai khang kaduai bamme. Timothy hei alao na

khou rui nthanmei lairik ncham lou bam kan khuan sinni na (2 Timothy 3:15), Paul rui kata chabuan tadin akhat suna katiu lou e, “Taan suaina jakmei ariupui mei tei kum maknga; Raguang mikjao khou pianlou nupui taan taanmei siamruaimei su khang, Raguang tuang nchummei lat tei nchumma sinsuna ngampui kasang taan o” (2 Timothy 2:15). Milat hei meiguaina khang lalou nu e, kadai suna kalum khang katinmei gan khou. Mi gan hei Raguang rui Kana nun khou Kalat paan rui samei gan ne. Acts 20:7 khou aniu rui patou e Paul rui chana nun khou Raguang lat kathaimei khou tadin dinlou kanmei ta.

2. Kaniu guai kalum kanne. Maansei kangdai tei rui Pentecost nung Poubaomei latpiu kanpui tang, aniu rui patou e, “Kaniutei latdiutatmei nun rui nchamloumei khou, tu jang kariumei khat huaineimei khou lung gutna bam khuan e” (Acts 2:42). Kalummei paan khou rui Poubaomei nun rui kaniu Pu tingkao thang bammeipu ta kachu khang kadouchamei latou kanne. Khristianmei nun rui kalum khang katinmei gan khou kalum mak pu khou kum kan pu khang ning bo?

3. Kaniu rui thuanpui lu suan kanne. Paul rui chana nun khou kumma hi e, “Nangniu khat khat khou kalumlu, himthuanlu khatni bumaeng lu-lat tei sa suan kari o; khatni nangniu lungsing rui thuanna kalumlu khatni himthuanlu Poubaomei khou suanlou o” (Ephesians 5:19). Colossians 3:16; khatni Hebrews 13:15 hei ni palou o. Luguan /lusuanmei kajat kanei nai e. Khat rui muang khou rui patmei khuan akhat rui puatchei akhat khou rui patmei. Raguang rui kahaomei tabui kummei tei cho? Kamei rui muang khou mei khuan ta lani e. Paul rui samei aniu rui lungning khou rui nugaimei khuan tei pat na Poubaomei khang sukan diu o tuna. Mihei ruina puatchei akhat khou rui patmei khuan ta lagan lou the. Thaorei khou mei khristian nun rui thuanpuilu suanna Raguang ta thuan kanne. Tingkum phai aju tang maanseina rui puatchei khou rui patmei khuan haplou kanne mi ta tei Raguang rui nulou kan mak ge khatni Kamei rui lalou ni turamme. Khristianmei rui puatchei khou rui patmei khuan rui Raguangta thuannu makge khatni kalummei ni puatchei khuan rui kalum nu makge.

4. Kaniu guai rui Poubaomei taektu tu khang kaduai bamme. Aniu rui mi tuang hei Latdiumei 20:7 khou su nchinloumei hou the. Matthew 26:26-28 khou khatni 1 Corinthians 11 rui aniuta chamlou e tian tei rui Khrista pum ta ningtoumei suna tukhang khatni drakha dui tei ruina Khrista jei ta ningtoumei suna jang khang. Aniu rui ntao ase nganna kumma taan bam khang nge.

5. Kaniu rui kaniu tuang sianlan tipat kanne. Paul rui Galatiamei khat-

ni Corinthians nun ta tipat khang latdan lou kanne, “Ai guang pukhou ka-
kha dat bam mak khang, kamei-kamei rui ntaan guangmei thei laina neidak
tuang reimei tingmik nung nangniu mei kathuina rei patna lou kaduai bam
nina the” (1 Corinthians 16:2). 2 Corinthians 9:7 ni palou o.

Mi thaorei khou mei khristian nun rui neidak tuang reimei tingmik
khou katin bam kianne (Acts 20:7; 1 Corinthians 16:2) Raguang ta kalum
khang. Kaniu guaita kapin lou kanne, “mei gaankhat kaniu cha su bammei
tei kumma, aniu guang kariumei khou ntaem ri kho. Poubaomei tuang ting-
mik ana guang the tumei nangniu houpui thei laina aniu khat-khatta katiu
thao mbu hai-hai bam di kho” (Hebrews 10:25). Asei khristian subammei nun
ruini mi thiak tei kumma kalum bam khang nge, khatni khat-khatta phutlu
louna. Phuamling tuang kalummei hei heidikam chala rap tina maansei geisi
rui phaisui bamme. Kaniu rui kakhan kan kianne kalummei hei saeng lana
khatni khuan akhatna khou meiguai rui kalum nina de tuna. Tiki, mi kum
mak ge. Raguang rui Kamei rui chunmei tei lianlou kan the kalum nimei
thiak khatni khou tei rui gaankhat na rui sinni sukalai lou khang ramme.
Gaankhatna rui sinni lou haplou nume khatni lagan nu makge, kummei ru
khou tei Raguang tuang siang keilou puni. Raguang rui salou the, Kamaan-
sei nun rui piu khang the. Kum pukhou na rui Raguang ta kalum, thuan
khatni champou khang nge.

Latthan

Jianlouna chummei latdao tilou o:

1. Phuamling hei tabui rui kasiam tuang cho?
.....
2. Phuamling rui tabui khang cho?
3. Poubaomei jan khou rui tabui suhang cho?
4. Kathanmei Latding khou kalummei hei kajat aju aniu rui patou
bo?
5. Paul rui tabui tun bam tucho kamei rui ramaeng aju hou kanmei
khou tei?.....
6. Kamei rui kaniu rui kalum bammei lam khou tei kumma sakan
to?
7. Ntao ni maansei nun rui tikumma kalum bam mei nai di hai?
.....
8. Kaniu rui nsa khou kalum bam tуди the tuna thou rui sa kan to?

-
9. Kumpuijaeng rui kaniu ram kalum tei nsa ram kalum su kan to?
.....
10. Baibal bam tilou o
.....
11. Aseidou ni nsa ram kalum kalum bammei nai di hai?
.....
12. Nchummei ram kalum hei tabui cho?
13. Johan 4:24 hei hi o.....
.....
.....
14. Raguangta Bumaeng khou kalummei tumei kaba tabui cho?
.....
.....
15. Raguangta nchummei khou kalummei tumei hei tabui kaba cho?
.....
.....
16. Tabui ram kalum tacho Raguang rui chunmei ntao?
17. Poubaomei mei nun rui kalum nimei thiak tabui tun aniu patou
bo?
18. Kalummei duan pangu tei ti o.....
.....
19. Raguang rui tukumma aseï maanseï na ta kachu to?
20. Tabui kumma Raguang nanun rui Raguang ta kachu to?
21. Lu suanmei thiak aju nai bo?.....
.....
22. Raguang rui kage naimeï lusuanmei thiak tei sa o.....
23. Poubaomei taektu hei tabui cho?
-
24. Tabui neidak nung Khristianmei nun rui kaduai khang cho?.....
.....
25. Raguang tuang kalummei thiak khou tei haplou, lagan nu dai?
.....

Para 9

Phuamling Taan

Kumpuijaeng khou rui phuamling nai bam to? Tabui khang cho? Kata-an tabui cho? Mi guai hei phang khang aniu rui Raguang lat tun tat kho.

Reiliangmei khou, aniu rui thailou kho, phuamling rui language-lan-daem, school laanpat, pushang laanpat bam khang ramme tumei. Siandui ntaan khang rui lairik kasiamma bam khang ni ramme. Mi taan guai hei gaankhat rui thu taanpat numei rana de, ki phuamling rui thu taan khang ramme. Nbu-nbu na rachap aju rui mi kummei taan khou hei lung gutna taan bamme, khatni kumpuijaeng rui Raguang tuang kage/kalam tei su nmaan lou bamme, khatni baibal tuang karaeng khou rui kagei na Raguang tuang kage Kameinun tuang taan khou rui nbiang nga bam the.

1. Gaicham dinmei. Khrista rui ringthao datmei tang tingkao ku kan-ni khou kajiab nun khou sa the, “Hei jaeng rui, nangniu tana jat kapumma ta ajiap kasiam o: kaniu ta Pu, Nah Mpou, khatni Buameng Nthanmei jan khou duilup lou o: ai rui nangniu khou tilou kanmei latsa guai tei piu khang kaniu khou nchamlou o. Kumma jaolo, kandi juk luaimei ngan ai nangniu ta kagan kathui bam nduang bam puni” (Matthew 28:19-20). “Khou tei kamei rui kaniu khou sa the, ‘Nangniu mbaan kapum khou tatna gaicham hei mei kathuina khou dinlou o. Lumlouna duiluppui mei ta tei kanlou puni, tiki lumlou makpui mei ta tei thu kanlou mak ge’ (Mark 16:15,16). Katang khou Paul rui Timothi ta katiulou e, “Kakum kagan maeknga gaicham hei din o; kaba tithailouna, lulouna, katiulouni, khaengthaina, taek maknga nchamlou o” (2 Timothy 4:2). Kabam bai-baimei ni tilou nu e tiki minun rui kabi suna Poubaomei rui chunmei, kiu thu gaicham hei din ndao pat mei hei tumei tei thai nu pung the.

Jiap nun gan khou tei phuamling hei tabui taan bam kan bo? Phuamlingmei guai Poubaomei rui taan khang samei khou taan kanne. Kaniu rui gaicham tei din kan the. Latbam khang kiu Latdiumei lairik khou hei, kummei taan hei padik-tiat the. Khristian ti-nguan lou mei/Khristian sukanmei bam guai khou tei tadin nun rui Poubaomei rui kahaomei khou chamlou kan ne. Acts 2,8, 9, 10 khatni 16 hei palou o. Tiki, thou rui dinlou khatni chamlou kan bo? Poubaomei maansei nun ta Jerusalem khou riaprai mei guang mei tang, hiloumei pari rui sa e, ‘Pak phak tat kanmei nun tei tat lik sik siknga gaicham tei dinlou the.’ (Acts 8:4).

Mathang khou, kaniu rui tabui dinlou kan bo? Kum dat muaina, khristian su guanloumei lam khou hei Latdiumei lairik khou tei pa pukhou nang rui hou puni the. Tiki sammei khou, kaniu rui Khrista hei Raguang nge,

gaankhat rui guloumei la khang taan nimei thiak, Phuamling tuang kage/kathuk naimei lam, kalummei lam, khristianmei panti kathuk naimei lam khatni bai-baimei. Paul rui kaguaina samma kumma sa e, “Kalamthu kros tuang lat hei maan bammei nun khang thu kaba maekpui lat re: tiki Raguang rui kanlou bammei aniu khang thu mi hei Raguang tuang pumtan e” (1 Corinthians 1:18).

Poubaomei rui Kalat tei din khang latdan ti mei na tei ramma, Paul rui-na kumma sa e, lummei hei Raguang lat chuloumei paan khou rui guang nge tuna (Romans 10:17). Kumdatlana Khrista rui sadat re, “Kumma nangniu nchummei tei thai puni. Kumma nchummei tei rui nangniu ta bang khou rui tuduaklou puni” (John 8:32). Kum datna, “Tiki akumma, kaniu lum makpui mei ta kaniu kao nina cho? Dincloupui mei maekna akumma chunina cho?” (Romans 10:14). Higuai rui samei thu maansei hei amaan the na (Romans 3:23; 6:23), kumpuijaeng rui Raguang ram jian hei dinlou khang the (Romans 5:8), manseina khang guloumei pu nai e tumei lianlou na (Jahon 3:16), khatni Raguang latpiumei paan khou rui maanseina hei kapaep khou rui guloumei latou nu e (Romans 1:16,17; Mark 16:15,16). Raguang rui kahaomei thai makmei nun khatni piu makmei nun rui amaan puni (2 Thessalonians 1:7-9). Kum puijaeng rui Raguang lat hei din ni na de.

2. Lungsimeimei ta nkhahmei. Raguang lat khou rui aniu rui houna thai e kiu thu, lungsi-rianramei ta nkhon-nkhalou kanmei, ngammei lung khou rui phuamling ruina. Acts 2:45 khou kumma patou e, “Kaniu tuang nai naimei juanna sian tei kaniu pang khou kage nai naimei khang njan bam khuanne .” Mi hei ningtha suna tipatmei e. Tiki Latdiumei 6 khou aniu rui hou e Grecian le Hebrews mei kak khou lagei pat kanmei tei. Kalam thu, Grecian mei amaipui nun ta tingmik-tingmik tuang thou khou thousu lou makmei jaeng rui. Kumpuijaeng rui Latdiumei nun rui jiapnun ta kao kaduai lana mi kummei taan phuamling tuang sumei khou hei jaosin bamnimei khang gaan chaneikai kada khang salou kan the.

Aniu rui patou e Paul ruina Jerusalem tun lungsi mei ta nkhalou khang tat kanmei tei. Kamei ruina kumma sa e, “Kalam thu Makidonia khatni Akhaia kandi tuang phuamling guai rui Jerusalem khou bammei lung rianramei, Raguang mei nun khang njianmei kaipat tilou khang dinglou tuang nai the (Romans 15:26). Kum thena Paul rui Corinthians chana nun khou kumma hi khuanne, “Nthanmei nun khang nkhalou khang sian kakhamei lam khou thu, Galatimeimei phuamling guai khou mi kumma su o tuna ai rui sa kanmei kumma nangiu ni su nina the. Ai guang pukhou kakha dat bam mak khang, kamei-kamei rui ntaan guanmei thei laina neidak tuang reimeimei

tingmik nung nangniu mei kathuina ti patna lou kaduai bam nina the” (1 Corinthians 16:1,2).

Thouta nkhalou khang? Phuamling khou kage naimei nun ta the reil-
iangmei khou thu. Hei kiu thu, lungsimei, gaansu gaandai, amaipui, tin-
duangmei gan khou, khristianmei nrana, kummei nun guai khang hei the.
Aniu rui patou e. “Heijaeng rui, aniu khang kadouchamei ariupui kathui,
aniu mei kathuina khou, nkunna lummei kaikhunmei ncham pang khou gai-
taan taanlou kho” (Galatians 6:10). Ki, maansei tumei guai ta nkhalou bam
khang ram mak ge. 1 Timothy 5 khou aniu rui hou e karana ruina lung ngam
makmei, ramme thei kata jaolounimei meibaimei maekmei kummei nun
ti hei nkhalou bam khang nai e tuna khatni kamei tei lummei khristianmei
suni na e. Kumma Poubaomei tuang siandui hei neimei kaguai khang ti bam
khang ramme.

Phuamlingmei nata ramma, phuamlingmei rui ngam me thei tho, kage
naimei guai ta nkhou-nkha lou khang nge. James 1:27 khatni Jakob 2 hei
palou o. Mihei gaicham khou rui maansei nun ta ti alam lou mei tuang nge.
Tiki mi sian bam nun hei tabui thang rui guang khang? Hi guai hei phua-
mningmei nun rui tinina tipatna tipatloumei khou rui la khang the (1 Corin-
thians 16:1,2; 2 Corinthians 9:6,7). Mi dinmei tho, khristianmei nun rui tipat
makge thei phuamling rui kage naimei nun guai ta nkhou-nkha lou ngam
mak khe tumei.

3. Phuamlingta ti ntun thaomei. Ti ntun thaomei tumei kaba tho kasiam
thaomei, kapumtan titan thaoloumei, lung tithao lou mei, bumaeng luan khou
phuamlingmei ta tidai thao loumei tu tuang nge. Ti ntun loumei kiu tabui kum
mei rui cho? Raguang latkaeng rui, katinmei rui, kalummei khou katinmei,
khat-khatta nkhaloumei, gaitaan, njianmei khatni kum kummei. Acts 9:31; Ro-
mans 14:19; 1 Corinthians 8:1; 1 Thessalonians 5:11; 1 Corinthians 14:26; 2
Corinthians 12:19; khatni Ephesians 4:12; hei palou o.

Luailou khang, maansei geisi rui kandi kapum tuang sumei phuam maek
nga, kapi khat maek nga khatni siandui ntaanmei thiak maeknga kumma hi
kummei taan hei taanpat ni cho tuna rianra bam gei e. Ki tho, Poubaomei tu-
ang thiak hei gailiangmei thiak, khatni hi thiak nga de suni mei. Raguang rui
kahaomei khou na tei taan pu khou ruina kata thuanloumei sukhang nga de.
Khrista rui kapi suna phuamlingmei guai ruina, phuamling guai ruina kataan
kataan tei taan pat khang nge. Phuamling ruina kataan taan ngam kho tu e thei
phuamlingmei ruina tipat pukhou na ruina taan ngam khang de.

Gaicham dinmei, kage naimei nun ta nkhou nkhaloumei, phuamling-
mei ta tintun thaoloumei, guai hei ruina maanseina bumaeng guloumei taan

khatni mitei rui nkhammei khou Raguang thuanmei su e. Phuamlingmei taan hei ramma baimei maek ge. Disinluan, languan-landaemmei rui phuamling ta ram khatna khou sinni tikeilou mak ge khatni maansei katinmei phuam khang rui kasiam bammei rui Raguang lat khou rui gin di the. Poubaomei tuang phuamling hei thu bumaeng tuang pum, kandi khou bamme ki, kandi tuang ramme, Raguang lat piuna maanseina siamruai sukhang, nthanna lung bam khang, phuamlingmei kaguaina tuang ringbam khang sukhang khatni damloumeipu him khang rui su khang nge. Mi hei Poubaomei tuang phuamling khatni kataan khatni kaduan the.

Latthan

Jianlouna nchummei latdao tilou e:

1. Poubaomei phuamling rui tabui tuang taan su mak cho?
.....
2. Kandi khou rachap khou ruina sintuang latou khang rui languan landaem bammei hei rui nkhuamei khou tikei lou bo?
.....
3. Phuamlingmei taan kiu tabui kummei tei cho?.....
.....
.....
4. Poubaomei Latdan Metthiu 28:19,20 khatni Mark 16:16 tiloumei tei tio.....
5. Khristian surei mei nun tei kaniu guai tei jinphak patmei gan khou taan kanmei taan tei sa o.....
.....
6. Kaniu rui din kanmei kiu kum kum mei cho?
.....
7. Kumma lummei hei guang cho?
.....
8. Tabui rui aniuta ning tisulou cho?.....
.....
9. Tabui kumma maansei hei gulou khang cho?
.....
10. Thou tei maan puni tha?
.....
11. Kage naimei maansei nun lam khou hei phuamling rui lungninglou bam khang dai?.....
.....

12. Thou rui Jerusalem khoumei nthanmei nun khang tei tipatlou
kan to?.....
13. Meiguaina ta nkhalou khang dai?
14. Kummei maansei pang ta nkhalou rei khang tha?.....
15. Nkhalou numei ngan kummei tei cho sa o.....
16. Phuamling paeng thangmei maansei ngan ta nkhalou khang dai?
.....
17. Kum thang rui siandui guang tuang cho kage naimeis nun ta nkha-
lou khang?.....
18. Kummei gan khou siandui hei ntaan khang cho?.....
.....
19. Ti ntunmei lam hei sa o.....
20. Ti ntunmei hei kum kummei rui cho?
21. Tabui kumma Raguang ta thuan khatni kahim tidai nu cho?.....
22. Phuamling tuang kapi thou cho?
-
23. Phuamling tuang taan hei tabui khang cho?.....
.....
24. Phuamling hei kandi nbaan tuang dai?
25. Disinluan, phuamling khou languang-ladaemmei rui tabui khou
rui jatti baimeis tisu bo?.....

Para 10

Phuamling Chunchammei

Phuamling chunchammei khou hei ntao raningmei kandimei guai rui lung gut nbu ku bam the. Kachap katinna taan taanh thaomei chaenglun khou rui maansei guai lungning hei kabam kathui khou jin lik sik pat the. Mi patmei lam thu rachap hei bak parei pat gei tipui jaeng rui, khatni maansei nun guai rui lian lak pat gei khou rui the. Kumme ki chunchammei thu phung guang ngam mak khuan the. Lungkhatna sumei thu guang ngam ni tuang ramme kabam kasaek khou cham bam khuan sinni na. Kumme thei kum su khang tha? Latdao hei baibal khou nai the. Kachang-kalingmei chunchammei latou kho tu e thei, maansei nun guai ruina kaniu tuang latdin, riakdin, janphuak, phuamling, kachap lairik kaniu guai hei gankei lana baibal hei sinthao na palana, kathailana, mi khou tei lumlou lana, khatni piu pu khou rui guang khang de. Kum kan the tu e thei kalingmei chunchammei tei guang puni, Poubameirui kalum ma sa kanmei chunchammei John 17 khou naimei tei. Maansei nun rui kumma taan ne thei kaniu rui lummei khatna supuni, meiguaina khat namei latdin khou piu puni, meiguaina nthanmei lairik tuang sumei janphuak tei phung puni, taan ncham puni, latdin khatna supuni, meiguaina chamma tingkao tat puni. Maansei nun guai rui maansei theilai taan lana Khrista thei lai e thei chala sina chunchammei hei guang rap kanni de.

Nthanmei lairik rui kalangpatmei ta numak ge. Baibal rui sa e Raguang rui chana kak khou kalang tipatmei ta karaeng nge tuna (Latkudin 6:19). 1 Corinthians 1 khou aniu rui patou e Korinth mei phuamling lung khou kalang pat bammei lam. Paul ruina kaniu ta numei lat saloumei phaan kading khou ruina kamaan phuakpatna kalang-kalang pat bammei lam tei su amaan lou khang taan thao kan the. Kamei rui kahou khou kumma sa e, “Chanathiu, aniu Kaipou Khrista Jisu jan khou ai nangniu khou jaenghui e: nangniu mei guaina lat ncham o, nangniu pang khou kalang pat riu; nangniu lung cham chun chamna lung o” (1 Corinthians 1:10). Kumma kamei rui sakeina latthan kathum than khouanne, thou kummei ruina boukeimei/ kalangpatmei lam tei sapat lou puni cho tuna. Latthan kiu: Khrista ta kalang tipat thena cho? Nangniu khang kros khou theiloumei tei Paul cho? Nangniu ta Paul jan khou duiluplou buna cho? Mi latthan nun khou kaniu rui kummak ge tuna dao khang di the. Kum pui jaeng rui kamei rui kaniu guai rui subammei tei kalam chamak mei lam tei lianlou kan the.

Latdiumei Paul rui Rome khou bammei chana nun khou kumma hi kanne, “Chanathiu, kalang patmei nun khatni nang niu khou dinloumei riak-

din tei rammei rui meinun tuang lummei ta ti phaisui bammei nun khou tei rui ramthaina bam o, kumma kaniu khou rui duna bam o. Mi kummei nun hei aniu Poubaomei Khrista tuang siamruai sumei nun ram e; kaniu bung khang taanmei nun e. Kaniu muang animei khatni ndeimei tei rui ram thai makmei nun ta guat re (Romans 16:17-18). Colossians 2:20-22 khou kamei rui kumma sa e, “Nangniu Khrista le thei ncham the kumma mi mbaan sinmei bumaeng guai khou rui thai the. Kum e thei nangniu tabui suna mi mbaan tuang kumma lung bam tu cho? ‘Mi hei sin riu’, ‘hei tei kahi riu’, tumei riak guai hei tabui suna ngaek bam tu cho? Mi guai hei kagan khat khou tat bam khuanmei, maan kanmei, maansei rui kasiammei riak khatni latdin e.

Miguai rui samei tho maansei nun nchamloumei, maansei tuang riak-din khatni latdan, maansei ta kapuang thaouloumei, laloumei khatni maansei tuang lairik ta kumloumei baibal lat ta khang suang, mi nun guai rui kalang kalang tipat bam tuang nge. Kabiak khat khou sapu khou, chunchammei hei guang nimei thu Khrista theina lai mei paan rui guang khang de. Khrista rui kalum kan ne, “Ai huaneimei hei kaniu khang nga ramme, kaniu lat khou rui akhou lumlou nimei nun khang ni e. Kaniu guai akhat na su khang neipui tuang e. Ai nang khou bammei kumma khatni nang akhou bammei kumma, kaniu ni anei khou bam diu o. Nang rui ata ndiu guangmei tuang e tumei mbaan rui lum khang, kaniu akhat na su kan diu” (John 17:20-21). Kumma Khrista rui guang tang lak nimei khang kalum kan bo? Uh, Kum mak ge. Kumme thei thu chamcham mei nai nai ngam puni de. Tabui nung? Aniu rui Khrista thei lailuan pukhou. Maansei rui kasiammei tatdin rui kalang tipat puni, ki baibal rui dinmei rui chunchammei phung guang puni.

Ephesians 4:1-6 khou chuncham nimei thiak nai e. Hi tei nking jao o, “Hi jaeng rui, Poubaomei khang rui khaeng bammei ai rui nangniu khou huai e: Raguang rui nangniu ta kaouloumei panti lunlung khou tei lung o. Kagan kathuina niamma, lung jaenga, khatni khaengthaina bam o. Khat khat khou akhaenglou karina njianmei lianlou o. Chujaengmei paan rui nangniu ta bang kariulou bammei, Bumaeng rui timei akhatna sumei tei nai tan tan bam khang ngammei kasang karam o. Nangniu ta laloumei tuang rigunmei hei akhat namei kumma, pum akhat de, Bumaeng ni akhat de”. Mi hei chuncham khang jaenghuai pui tuang nge tumei thailou o. Tilou bammei nun guai tei akhat akhatna mei e tumei tei thai chuilou o. Thou kummei rui akhatna ram mak nga kasing gei de tumei lungning nai tuni?

Phuamling chunchammei hei Khrista rui sakanmei khou tei rui thai e. Kamei rui katuang phuamling lingthao lou puni e tuna samei khou tei ruina (Matthew 16:18), kabah tho, Phuamling akhatna tumei tuang nge. Khatni mi

tei bumaeng tuang Kapumme (1 Corinthians 12:27), akhatni Kamei rui kapi e (Colossians 1:18). Kachang kaling nga, mei gaankhatna ruina sinni Khrista ta kapum kanei e ramme thei kapi kanei e tuna maraan tibam nimei maek ge. Phuamling tihei Raguang kai ramme thei Raguang kaikhun tuna ni salou e (1 Timothy 3:15). Tiki, kai kiu aju?, kaikhun kiu aju? Akhat na rap di the. Aniu rui patou e Khrista tuang guangdi ramme thei Raguang tuang guangdi, Khrista rui hi tuang guangdi khou tei guang suna (John 3:3-5; Colossians 4:11; 1 Timothy 6:15). Poubaomei rui guangdi aju nai khatni guang kiu aju na? Akhatna de latbam kanei mei khou hei.

Kachang nga baibal ruina kalang kalang patna phuam su bammei ta nu mak ge. Kabiak akhat thang, chunchammei lianlou e, akhatna sumei, khatni kapumma sumei. Baibal ruina thu phuamling ta thaitang thui makmei ra tuang pum me maansei akhana rui kasiammei e, kamei kamei rui lummei khatni ningmei, lummei, taanmei phuam me tumei lianlou jat mak ge, ki baibal ruina thu phuamling hei Khrista tuang nge, kaopatloumei pang rui kasiam tuang nge, Khrista thei laimei khatni kalatdin piumei pang nge, khatni guloumei pang nge tumei din ne. Khrista hei thu kalang kalang pat makge kumma phuamling heini kalang kalang bak pat mak muai e. Kalang tipatmei rame thei kalang tipatmei ta tithaomei rui thu Khrista ta nu makmei de khatni Kamei rui kalum kanmei ta nu makmei de.

Latthan

Jianlouna chummei latdao tilou o:

1. Asei phuamling hei chuncham khang jaenghuai mei nai bo?
.....
2. Tabui jaeng khou rui cho chuncham khang lung heidi gut bammei hei?
.....
3. Chunchammei hei rariak nun guai tuang phuam nun ruina nuna makmei khou tei nuna mei rui phung guang ngam puni bo?
.....
4. Chuncham khang tabui latdao cho?.....
.....
.....
5. Chunchammei nai khang maansei nun rui tabui gan kei khang nai bo?
6. Aniu guai akhatna su khang thou rui kalum kan to?.....
.....

7. Chunchammei rui tabui tipat puni bo?.....
8. Nthanmei latrik rui kalang patmei ta numak bo?.....
.....
9. Poubaomei rui thou ta karaeng bo?.....
.....
10. 1 Corinthians 1:10 hei hi o.....
11. Korinth khoumei phuamling khou Paul rui latthan kathum than
kanmei tei sa o.....
12. Kummei maansei pang lun thailou khang nai bo?.....
.....
13. Kaniu rui thou bang su bo?.....
.....
14. Aniu rui kaniu khou rui arei pat khang cho?.....
.....
15. Thou cho Poubaomei ta nsa/ramji makmei khou kalum-
mei?.....
16. Tabui khang Khrista rui kalum kan bo?.....
.....
17. Kamei rui guang tang ngam laknimei khang kalum kan bo?.....
.....
18. Chunchammei nai nimei thiak tio.....
.....
19. Khat khat tuang sumei aju nai bo?
.....
20. Khrista rui phuamling aju ling kan to?.....
.....
21. Phuamling hei tabui cho?.....
.....
22. Katuang kapi thou cho?.....
.....
23. Khrista rui kapum akhatna ramma nai bo rammethi kapi khatna
rammma nai bo?.....
.....
24. Poubaomei rui kaikhun aju nai to?.....
.....
25. Raguang latkaeng rui aniu ta kalang tipat puni ni, ti nchamlou
puni cho?.....
.....

Para 11

Phuamling Riakdin

Gaankhat ruina riakdin tuna sa e thei Latdiumei nun tuang riakdin ramme thei Nicene riakdin ta ning nge/ khang la e. Kumme cho tiki tho baibal khou mi hei phang mak ge. Maansei rui kasiammei phuamling tho kaniu tuang maansei rui kasiammei riakdin, maansei rui kasiammei tuang manuals, riaploumei, lummei tuang sadao mei, hei niu kum kummei guai hei Raguang lat khou haplou mei e.

Riakdin lairik khou baibal khang suang nbuna naimei riakdin tei geilang nge na sani e. Khatni riakdin lairik baibal khang suang raomei teinina raolang dat di he. Riakdin lairik baibal khou mei ramma naimei tei ni nsa de, kalam thu aniu khang baibal nai the. Revelation 22:18,19 ; khatni Galatians 1:6-9 ruina nthanna dinlou e aniu ruina baibal lat khou hei haplou nu mak ge khatni lagan nu mak ge tuna, ramme thei kaphaan ni nsin numak ge. Ka-biak khat thang sapu e thei, baibal hei nthuime/ntangmei di the (2 Timothy 3:16,17), kaniu guai hei nthuithik mei di the (James 1:25), khatni aniu rui Raguang latna suna sakhang nge (1 Peter 4:11). Kumpui jaeng ruina lairik baime/ nbuna sinsu bam khang kage mak khe.

Raningmei kandi hei kalang pat bammei hei maansei nun rui Raguang lat thei laisui mak khou rui ramme, ki kaniu rui maansei rui kasiammei riakdin thei laisui khou ruina pat pui tuang nge. Kumma agi bam gei e phuamling akhat rui katuang tatnime/ thiak-riak baina nai nina de tuna.

Adi si tha. Kum thena aniu rui jaenghuai mei tho kaniu tuang maansei rui kasiammei riakdin tei npatlouna baibal , mikiu thu Raguang lat, khouna han guang ngo tumei. Hi tei rui aniu ta kalang tipat ni tu ramme ki ti kariulou puni Khrista khou.

Poubaomei tuang phuamling tuang riakdin lairik thu tabui tha? Aniu khang thu Khrista ramma aniuta guloumeipu maek ge khatni riakdin lairik baibal ramma baime/ maek ge. Rachap khou aniu lungning, khatni aniu chun hei gaeng mak ge. Aniu rui baibal aniu rana rui han pat mak ge. Aniu khou naime/ tumei kiu Baibal na hei de. Aniu rui kalatdin guai piu e khatni meibaime/ nun khou ni hila/ m tei dinlou/sou lou e. Aniu rui huamei kiu thu akhatna suhang khatni meiguaina kathai kanme/ ta e (John 5:39; 2 Timothy 2:15), khatni kabam kathui khou bammei guai ta baibal rui dinme/ tei piu kan khang sabam tuang nge.

Aniu rui baime/ haploumei lairik nai mak ge aniu rui piu na bam khang. Aniu rui ningme/ lummei thu maansei gaankhat ruina lairik suna hipat lana phuamling rui taanni mei thiak, baibal khou rui baime/ thiak-riak kasiamma

sinpiu bammei ta la mak ge khatni baibal le nchammei chapriak kasiam mei ta nu mak ge. Aniu rui lumme, Raguang rui mei gaankhatna khang sinni kummei lairik tei hipat na sinpiu bam khang nulou kan mak ge tumei. Aniu rui lumme mei gaankhatna ta sinni Bumaeng Nthanmei rui kathiulalouna hi kei khang ngam tilou kan makge tumei.

Raguang latna rui Raguang khou rui patna, Raguang rui kathiula tilou kanmei na tei ruina gulou ngam me. Nbuna, Raguang lat rui nkhangpui nung aniuta latjan supuni (John 12:48). Nchummei patmei duipuakkai thang tei rui ramma chummei nang rui phang ngam ni tu ramme. Kumpui jaeng ruina nchummei ta lum khang nchummei ta chu pui ta e (Romans 10:17). Maansei geisi ta rachap lam khou hei guatlou bamme tumei hei ngak mei tuang ram the. Rachap khou hei maansei guai ruina kalang kalang bakpat bammei khatni kasuak-kaguakmei rui padik bammei hei angak rap mak khe. Maansei nun rui maansei na ta jaona maanseina thang tat the Poubaomei khou guang pui phaang nkhaloumei la khang rui. Maansei rui maansei tuang riakdin khou ngang lou the Baibal rui hiloumei khou ngang loumei phaang. Kachang kaling nga maansei nun guai rui Baibal khou han guang dat khang nga de gulou kho tu e thei.

Aniu rui kathiulou ni e maansei nun ta Baibal thang tat gut lana chummei phuamling ta thai kan khang. Luimei phuamling npeina nai bam the kandi khou hei. Kummei tei rui nchummei? Gaankhat rui baina phuamling hijumei tuang hei kathai khang tha? Ramme, gaankhat ruina nchummei phuamling lam khou samei lairik khou tei tat na jao khang the. Poubaomei tuang nchummei phuamling lam tei thai pat kanne thei, kamei ruina baibal rui dinmei na khou tatmei phuamling ta phuphang khang kung dat jat ni turam the.

Gaankhat rui guloumei latou khang taan nimei lam thai khang aniu rui baibal tun gut kan khang kathiulou ni e. Maansei tuang riakdin thei lai e thei, guloumei latou nimei hei chaeng npeina nai e, ki gaankhat rui Raguang lat khou tat gut pukhou kamei rui phang puni chala sini saloumei, hikiu thu-chummei tei chu khang nge, hita tei lum khang nge, paep khou rui lunglai khang the, Khrista ta sa ndao pat khang the, khatni baptize su khang the paep kuak khang (Mark 16:15,16; Acts 2:38). Maansei nun rui samei khou rui tabui thiak khou khiatna bo? Poubaomei rui gulou tuang de kum thena kalat chulouna kalat piu khang the gulou khang.

Aniu rui maansei ta kathiulou khang nai the baibal khou tat gutna Raguang ta kalum thai kan khang. Maansei nun rui samei khou rui kadat-kadengnga, kalummei hei chaeng gei mak ge. Baibal rui chamlou e chaeng khatna de tuna, khatni Poubaomei rui nthanthiak nga dinlou e tabui kumma sunina

tumei kalat rui (John 4:24).

Milat bam khou na ramma, ki kalam kaguaina khou, ringbam luan khou, ringmei lam khou, khatni Raguang lun luina lungnimei lam khou hei aniu rui katiu lou ni e baibal thang tatna nchummei tei thaina latou kan diu khang rui. Maansei rui baibal hei gianta ngam mak ge tumei lun lianna, thaini thai tanglou mak, tumei hei nchum mak ge. Rasi ruina maansei ta baibal khou rui dupat khang lani e kalam thu maanmei khou keilou kan khang rui. Tiki gulou khang kamei khou tei guang khang the, lum khang the, khatni hita tei katuang khatni gaengloumei tisulou khang nge rachap-rariak luan guai khou. Kum kan pukhou rui kamei tei guloumei latou khang nge, kalam thu khou tei na rui kamei rui chum khang nge.

Aniu riakdin tabui? Jisu Khrista khatni kalat. Kamei ramma baime maek ge. Aniu rui lumme Khrista hei Raguangna Npou e tumei khatni Kalat rui nkhammei di the tumei. Aniu rui nulou khatni hi theina ta lasui tat re. Aniu rui meibaime guai tani kummuai kan khang katiu e. Maanseina tuang riakdin ruina kabam akhatna khou jailou e-maikuam. Jisu rui sa e, "Ai hei chaeng kiu the, nchummei kiu the khatni ringmei kiu the. Apaan rui ramma mei gaan khatna sini apu pam tang ngam mak ge" (John 14:6).

Latthan

Jianlouna nchummei latdao tilou o.

1. Riakdin lam sa o.....
.....
.....
.....
2. Maansei rui kasiammei phuamling kathui rui tabui tuang nai-bo?.....
.....
.....
3. Latkaeng khou tei haploumei ramme thei lagan loumei nun ru khou tabui kum puni cho sa o
.....
4. Nthanmei lairik hei ntang dai?.....
.....
5. Nthuime kiu tabui cho?.....
.....
6. Aniu rui tabui kumma sa khang cho?.....
.....

7. Ngam naimei nbumei lairik aniu khang kage nai dai?.....
.....
8. Tabui jaeng khou rui rachap-rariak nun hei kalang kalang pat
bam tucho?.....
9. Baibal rui aniuta kalang tipat lou puni cho?.....
.....
10. Poubaomei tuang phuamling tuang riakdin tabui cho?.....
.....
11. Aniu tuang lungning khatni machun hei gaeng dai?.....
.....
12. Aniu rana rui hanpat khang ngam nai dai?.....
.....
13. Ntao ringnga bammei maansei nai dai baibal le nchammei lairik
hipat numei?.....
14. Poubaomei rui gaankhat ruina baibal le ncham me na lairik hipat
khang ngam tilou kan bo?.....
15. Raguang latkaeng hei tabui thang rui guang tuang cho?.....
.....
16. Khammei nung kiu tabui lat rui aniuta lajan su khang cho?.....
.....
17. Nchummei tabui cho?.....
.....
18. Nkhalou khang maansei nun rui thou daeng tat bo?.....
.....
19. Phuamling tuang nchummei thai khang kummei lairik tun tat
khang cho?.....
20. Gulou khang chaeng nai gei dai?.....
.....
21. Baibal rui gulou khang tabui su khang din bo?.....
.....
22. Poubaomei rui maansei rui kalum khou taanni mei lianlou bo?...
.....
23. Baibal hei thai nu dai/gianta nudai?.....
24. Baibal hei meiguaina gianta cham rap nu dai?.....
.....
25. Thou tei tingkao tatmei chaeng nga cho?.....
.....

Para 12

Phuamling Ruanri

Latdiumei 2 khou Poubaomei tuang phuamling /guangdi lingthaomei lam lianlou the. Latdiumei nun rui Jerusalem khou bam khouanne, Bumaeng kaniu khou bun keilou the, Pentecost tipuijaeng ruina jatti peina katin bam khouanne. Pitar khatni Latdiumei nun rui kao ndao lou kan ne mi tei mujung Joel rui dinkasuak loumei tei tiguang tang tuang nge tuna, Khrista thei the khatni khammei tingmik kiu guang tang the. Lunglaimei khatni paep kuakmei hei dinlou the, maansei 3000 dou rui gaicham dinloumei tei chulouna dui lup kan the khatni Poubaomei rui phuamling khou haplou kan the kaniu guai ta tei. Kumlana, Jerusalem khou ruina Judea, Samaria thang khatni kariangmei khou kandi kun kapum khou khouring kathui tingpuk bang khou bammei guai rui chulou mak saan (Acts 1:8; Matthew 28:19,20; Mark 16:15,16; Colossians 1:23).

Latdiumei nun gan khou tei phuamling daithao the. Paul kachap kalai kanmei tang, kamei rui gaicham dinmei chaengluan kathum tat kan ne, Jihudihmei na khou ramma Gentile mei nun khou ni gaicham tei din tat lou kan the. Kum tipuijaeng khou rui mei geisi kachap sukalai louna Asia khatni Europe khou Poubaomei tuang phuamling lingthao lou kan the. Tiki, mi hei chiumei tuang ramme, kalam thu rairiumei ransi ku the. Reime khou Jerusalem khoumei phuamling ta rairiu thao the. Kum tipui jaeng rui jiab nun guai tei jinphak the kabam kathui na khou latkaeng tei dinlou na (Acts 8:1-4). Kumma kagan rui tatna bam khou, Rommei nun ruina khristianmei nunta maraan khamlou thao the kaniu tuang tin duangmei lam guai khou, khatni kaniu ruina khristianmei guaita dandi tina riaprai thao kan the Rom kandi kapum khou tei. Paul ta khammei khou kangkai khou nimlou the, latjan sukhang Rome thang phung tat kan the. Pari rui dinne Latdiumei guai ta tei railuai lou ngam kanne tuna tiki Jahon na thu asaeklou e. Khristian ching-ching kaniu bumaeng amaanlou ngam kan the rai-riuna suluai sutiat mei khou tei rui.

Kumma rai-riu na suluai sutiat bam sinni phuamling hei daithao kanne. Phuamling ti hei ti katuak mei patmei hei rairiuna suluai sutiatmei khou na rui ramma phuamling lung khou ruina pat kan ne. Latdiumei Paul rui mei bau keime pat puni e tuna din kasuak lou kan the. Samei tho Poubaomei tuang phuamling khou ruina tat nbiang tatna nkhuaimai khou tatmei gan guang puni e tu tuang nge. Tiki, kamei rui samei tei thailou kho: “Aniu Poubaomei Jisu Khrista guang nimei lam khou khatni aniu kadaeng khou guang nimei lam khou, chanathiu, nangniu ramthai khang aniu sa tuang nge: nangniu mi lam

khou hei ning kaguak bam nuang riu. Ramundinmei rui puni, chamdinmei rui puni, aniu tuang tatdyn kumma hi guangmei rui puni, Poubaomei tuang Tingmik guang tang the tuna sa pu sinni nangniu lung katuak riu. Thou-thou rui puni nangniu ta guatmei tei nangniu lum riu. Kanuaimei Raliammei guang rei puni khatni kamut kamaimei khou keilou nimei Simeipu kiu guang puni. Mi tang rui mi Tingmik kiu guang khang de. Kamei ra tumei guai ta khatni meinun rui kalum bammei tuang guai ta nu mak puni, kumma kamei hei dai liangmei e tuna sa puni. Kamei Raguang tuang Rakai khou ngan na gut dung lana karana kata Raguang e tuna sa puni. Mi guai hei ai nangniu le bam ncham bam khou nangniu khou salou kanmei tei nangniu ningtou mak nga cho? Ntao mi pu kiu guang nimei ta thing bammei akhat nai e. Hei tei tabui cho nangniu thai e. Kagan tang pukhou, mi Simeipu kiu guang puni. Mei thai tang makmei Simeipu kiu ntao ni taan taan bam e; tiki kachaeng thing bammeipu tei rui chaeng reilou ti mak saan kamei guang nitu ram e. Kachaeng laanlolu pukhou Simeipu kiu guang puni. Tiki Pubaomei Jisu guang pukhou kamuang khou rui mphiu patmei thi rui kata suluai puni khatni katuang karangmei riu rui kata sumaan puni. Simeipu kiu Seitaan tuang pumtan phung nga guangnga, guatmei tuang su-nchinmei taan khatni charinmei taan jat guaina taanlou puni. Kumma maan kan nimei nun ta tei karousina guat puni. Kaniu maan nimei thu nchummei ta tei ningthuknga laalouna kanloumei laa mak khou rui e. Heijaeng rui, nchum makmei ta kaniu lum khang kaniu khou taan su khang Raguang rui nchum makmei tuang pumtan kaniu khou tiguang the. Mi thai kiu thu nchummei ta lum makna, paep ta kahao bammei nun ru khou latjan keilou puni” (2 Thessalonians 2:1-12).

Ephisiamei Phuamling gaandai nun khou Paul rui kumma salou e, “Poubaomei rui kajei kahak rui liuloumei Raguang phuamling ta makuat khang, Buameng Nthanmei rui laojiu gaengmei nun tisuloumei nangniu khang khatni nangniu khou nsinloumei laojiu nun khang ntak nrakna bammo. Kajei kahak rui liuloumei Raguang phuamling ta tei gaeng o. Kalam thu ai tat patmei tang susime i angiu nun nangniu pang khou gut puni the. Kumma kaniu rui lanjiiu pang ta daeklou dat nitu ram the tumei ai thai e. Kumma kaniu thei lai khang nangniu pang kahak khou rui jiap nun ta jai mbiang khang nchum makmei lat samei nun nai thao puni. Hei jaeng rui tingkum kathum dak khou tei ai rui jingbang kalaan mikdui keina mei kathui ta riapna taek makna nchamlou kanmei tei ningtouna nangniu ntak nrak bammo” (Acts 20:28-31).

Paul rui sakan kumma, phuamling lung khou rui thaona Khrista theilaime i ta jai gan thao kan the. Hikeiloumei pari khou rui patou e tumei thu nkhuamei pat kanmei tei phuamling phungmei luan, khatni phuamling sin-

mei luan ta sukei reina pat kanne tumei. Poubaomei rui kasiamloumei thu kabam kabam khou mei phuamling tei ningtha suna bam kanmei e kaniu tuang phuamling kapi khatni diken nun nai na. Kummecho tiki, kagan tei kumma tat guang kanak pu khou thu phuamling nun pang tei rui kabam akhat khoumei bishop ta phuamling kaguaina tuang kapi tisu lou the khatni kamei rui phuamling guai ta sin thao kan the. Mi thiak hei jaeng neikhatna khou rui pat kan tuang thu ram the, ki kagan kabi rap gut lana pat kan the, kumma 606 A.D. khou kandimei tuang sumei bishop nai thao lana kata tei Pope tuna kao kan the, kumma khou tei rui Catholic rachap hei nai thao kan the. Poubaomei tuang phuamling thu kum kan tha? Lummei nun asaek thu kumma npatlou maknga naibam khuanne, kapum suna thu thai tang lou mak nu the, ki, Poubaomei rui nrianloumei tei kumma katuang phuamling thu tingsaengjaeng nai bam puni tumei tei kumma nai bam kan the.

Raningmei kandi khou thu Catholic rui sinbin bam the. Kumma kaling kiu Catholic phuamling ruina kandi ta tingkum geisi sinbin louna bam kan ne, kumma migan ta thei Jingmei Gan tuna ni kao kan the. Kumma kao kanmei kaba tho Catholicmei rui maansei guai rui baibal hei pa khang nulou makmei jaeng rui e, kaniu rui sa e, amu naruina baibal hei pa khang nge khatni han khang ge kumma kaniu rui baibal rui samei hei, hei e tuna dinlou bam khuan the. Kaniu rui ningmei na tei dinlou kan ne. Higan jaeng khou hei Catholic lung khou na sinni latcham maknga kalang kanei pat kan the-Roman Catholic le Greek mei tuang kachiang akhat pat kan the dui kajinmei le lusuanmei khou mechanical/ puatchei khou rui patmei khuan kajaona sinsume lam khou riakdin ncham makmei jaeng khou rui. Kagan rui kum tat kei pukhou, Roman Catholic phuamling ruina riakdin geisi kum hap nbu ku thao kan the. Kham pu khou thu 1500 jaeng gei khou hei Roman Catholic phuamling hei heidi kamma kha npuam the riakdin khouni chapriak khouni. Kum tipuijaeng rui Martin Luther rui kasiam ntun dat khang karam kan ne, kamei kahak hei amu akhat suna bam khuanne. Kummecho tiki, kata alaigan lou the phuamling khou ruina, kumma kata khalou kan the, kum the na kamei rui phuamling khou rui tatpat lana kamei rui ningmei lung khou nchum the tumei tei din thao kan the. Mi khou ruina Reformation Movement/ Su ntunloumei Chaengluan kahou thao kan the, rammethei, Protestantism, khou ruina ntao aniu rui thaina bammei Denominationalism hei nai bam the. Luther rui kahou lou kanmei chaengluan khou tei kandi khou hei baibal thang handatmei chaengkaem hei nbu ku thao kan the. Kumma ransina tat gut kanne, tiki, kalingmei tei thu guang tang dat ngam mak kan the. Kum 1700 le 1800 jaeng khou hei kachap tuang kalang kalang pat gei kan

the, kum tina kaniu lung khou lian makmei ni guang kan the. Kalam kiu thu kaniu khou hei kalang kalang patmei kasing gei thao the khatni kaniu khou kasuak kaguakmei ni pat gei ku khou rui e. Kumma njaeng njaengnga na baibal tun hanguang datmei kaguaina guang dat kan the kaniu guai tei nkhu- aimei tei ganlou dulana. Kaniu rui kahaomei hei phuamling kathan lingthao dat khang ram the, tiki, kalingmei baibal khou naimei phuamling khou tei han gut dat khang tumei the. Kaniu rui kumma baibal khouna hanguang dat lana nthanthiak nga Kathanmei Latding tuang phuamling tuang phuamling- mei ni maansei ching ching nkhuaimai ta npatlouna guang dat gei kan the, baibal na rui kaniu tuang riakdin khatni baibal na rui samei/dinmei na khou piuna lung kan the.

Khristianmei nun rui kandi kapum khou tat lana nchummei tei dinpat tat kan the, kumma kaniu rui Africa, India, Russia, Poland, khatni kabam bai bai tun kalingmei phuamling naibammei ta ariu gei kan the. Mi phuamling tei ntaoni nai na bamme rei khouna rui nai guang kanmei tei kumma. Mi tei kabangbi aniu rui sui njutphutna sui rap bam thuai rap mak sinni nu the mi tei baibal tuang phuamling nge tumei. Phuamling tuang thiak-riak guai bai- bal khou nai ngam the, kumma aniu rui hi tei piu rap tithei Poubaomei tuang phuamling khou kiu bam rap puni di the. Kathu tei Raguang latkaeng the (Luke 8:11) khatni hi tei rui Latdiumeinun kaan khou tei kumma ntao ni tipat bam muai e-khristian khatni Khrista tuang phuamling. Aniu rui thai e kiu tho Poubaomei tuang phuamling thu tingsaengjaeng nai bam puni e tumei. Hi tei lingthaolou pui nung khou rui thaona kabam katun akhat khou kum nai tan bam guang kanne khatni kumma nai tan bam kanni de kalam thu rasi rui bam puni maansei rui bam puni hita tei sumut ngam lak ge. Mi hei Poubaomei tuang guangdi, katuang Phuamling, kabangbi khou rui thaona luaime i ngan Poubaomei le tuna nai bam kan puni.

Latthan

Jianlouna nchummei latdao tilou o:

1. Poubaomei tuang phuamling lingthaomei lam hei tabui tun bai- bal khou phang bo?

.....

2. Tabui kaidai khou rui mi tei lingthao lou kan to?.....

.....

3. Maansei aju higan khou tei phuamling khou haplou kan to ?.....

.....

4. Kum kum thang gaicham hei din pat kan bo?
.....
5. Paul rui gaichamdinmei chaengluan aju tat kan to?.....
.....
6. Paul rui Jewsmei na khou dai gaicham din kan-
mei?.....
7. Kummei dilang kanei khou Paul rui taansu kan to?.....
.....
8. Jiapnun tei jinphak patmei gan khou tabui sukan tha?.....
.....
.....
.....
9. Thou rui Poubaomei tuang phuamling ta rai-riu kan to?.....
.....
10. Kaniu ram lum jaeng khou rui Latdiumei nun aju ta suluai kan th
a?.....
11. Rairiu bam sini phuamling hei daithao kan dai?.....
.....
12. Paul rui nkhammei gan khou tabui guang puni tuna kakhim lou
bo?.....
.....
.....
13. Phuamlingta athungmei tabui kumma kahou kan bo?.....
.....
14. Kum 606 AD khou tabui tuang pat kan bo?.....
.....
.....
.....
15. Poubaomei tuang phuamling khou tabui guang kan tha?.....
.....
.....
.....
16. Tabui jaeng khou rui mathang tingkum fai kabiou dounta Jingmei
gan tuna kao kan to?
.....
.....
17. Catholic kachi kanei patmei tei sa o.....
.....

18. Roman Catholic phuamling ta ti ntun lou khang karam kanmei
 pu jan tei sa o

19. Kummei jaeng khou rui kamei rui ti ntunlou khang karam kan
 tuang cho?.....
20. Mi khou rui tabui tuang taandaimei kahou kan bo?.....

21. Kaniu rui baibal khou han guang dat khang karammei khou tei
 guangtang dut kan dai?.....

22. Kum 1700 le 1800 jaeng khou tabui patkan tha?.....

23. Poubaomei tuang phuamling thiak khou lingthao khang rui bai-
 bal tun han guang dat kanmei tei kaniu rui phuamling kathan lingthao dat
 kan bo?.....
24. Phuamling kachaeng khat namei khristianmei nun rui kandi ka-
 bam bai khou ni ariu kan bo?.....

25. Kalingmei Khrista tuang phuamling ntao ni nai bam dai?.....

Para 13

Phuamling Aseidou

Poubaomei tuang phuamling hei tingkum chingnei dou thang tei rui lingthao lou kan the (Acts 2) tiki mi tei ntao ngan rei khou tei kumma nai bamme. “Ki mi hei kumma ngam khang” tuna nang rui than bam nu e. Kathanmei Latding theilai mei phuamling thiak sumei pan rui e mi hei.

Gaansaek rui ntao Khrista tuang phuamling hei Pentecost nung tei rui kahou lou kanmei tei e tumei thai khang ruina sui gut dat khang ningnga bamme. Kumme cho tiki mi hei chum mak ge. Reiliangmei khou nai e Poubaomei rui salou dumei kiu thu Katuang guangdi/phuamling thu mut jat lak ge ki tingsaengjaeng nai bam kan puni e (Daniel 2:44; Luke 1:33; Hebrews 12:28). Mi kaba thu phuamling hei lingthao lou rap khou tei rui thaona ntao ngan kum nai bamme tutuang nge. Mi tei kabam kathui nakhou nai bam rap ni de tu mak ge. Kaneimei khou aniu rui hou the guangdi tuang kathu (Luke 8:11) hei lou bamme Kathanmei Latding khou. Mi tei rui Latdiumei nun gan khou khristian tipat kanne thei ase ni tipat dat muai puni de. Latdiumei nun gan khou mei khristian nun guai rui phuamling kasiam thao khouanne thei ase khristian subam mei rui ni phuamling kasiam thao dat muai de. Kum pui jaeng rui Kathanmei Latding nai pui bam kathui khou tei Khrista phuamling nai nu e, mi phuamling tei ruina baibal rui samei guai tei taan rap pukhou.

Raguang ruina kamaansei nun guai tat khang kaluan/kathiak kasiam lou e. Kamei rui Noah ta hi/rung kasiam nime i thiak/kaluan tilou kanne (Genesis 6). Kamei rui Mousi ta pheikai sunime i thiak/kaluan tei dinlou kanne, kumma kadungnga salou e, “Nang khou chingbut khou lianlou kanme i kahak tei kumma taan o” (Hebrews 8:5). Kum thena Kathanmei Latding khou hei aniu rui Poubaomei tuang phuamling thiak tei hou nthan thiak the. Mousi le Noah ta kanei khou lianlou kanme i/tilou kanme i thiak kahak khou tei taan kan khang ning kan me i kumma, aniu ni phuamling tuang thiak kahak tei lai la khang nge. Khatni Noah le Mousi rui Raguang tuang thiak khou rung khatni pheikai tei taan kanme i tei kumma, khatni Raguang rui pianlou kanme i tei kumma, aniu rui ni phuamling tuang thiak Raguang rui tilou me i khou tei su e thei, phuamling rui nai bam puni, ningme i kumma, haploume i tuang khatni laganloume i tuang maek nga (Revelation 22:18-19).

Phuamling tuang lundinme i kaguaina hei Latding Than khou nthan thiak nga lianlou the. Poubaomei rui phuamling hei tabui cho tume i dinlou the, tabui gan khou rui lingthao lou kan cho tume i, kajan kumma kao cho tume i, phuamlingme i nun jan, tabui kumma phuamlingme i suni cho tume i, kalumnime i thiak, khatni kataan. Mi tei ruina ni salou e thou ruina kapi

sucho tumei, liuloumei man ni, hi tuang guloumeipu ta ni. Kasuak kaguak bam khang khat sini maek khe mi tei tabui cho tumei khatni kataan tabui cho tumei. Kathiak khatni kaluan hei nthan thiak thiak the Raguang latkaeng kumma.

Kum thena aniu rui sunimei tumei kiu tho baibal hei kathai na baibal tuang phuamling kiu tabui cho tumei thai khang di the. Aniu rui nchummei tei thai pui gan khou, mi ta tei lai tat pukhou, kumme thei aniu rui phuamlingmei su the, akhatni kumma kachaeng akhatnamei phuamling kalingmei lingthaolou kanmei tei kum ma. Kathu rui kajat theilaina kajat chapat kanne, khatni Raguang lat rui ni Khristian tipat puni, khatni Poubaomei tuang phuamlingmei ase i su the rei khoumei phuamling kummei tei.

Khrista Phuamling hei kandi kakun kaguaina khou phang puni de. Mi hei hitun naime i kumma kabam kathuina khou nai bam me. Mi tei kabam akhat khou kum nai bam kanni de kiu thu maanseina rui baibal rui samei taan diu khang. Mi hei nai taan kan puni maanseina rui Raguang rui kahao-me i taan nthae k ke i kan pu khou.

Khrista Phuamling ase i hei kumma jinlik pat bamme i hei khatni daithao bamme i hei baibal na theina lai tipui jaeng rui e. Mi tei rui kalang patme i ta nu makge akhatni Khrista ta jaikao lou e. Mi hei the nang rui baibal khou phangnime i/patounime i phuamling kiu. Mi hei denomination ni ram mak ge rammethe i, denomination pang katinme i phuamni ramme. Mi hei protestan ni ram, Catholic ni ram, ramme the i kalang akhat patna bamme i phuamling rammak ge. Kumme the i tabui de na? Mi hei tho Poubaome i tuang phuamling nga rap de. Mi tei di the.

Poubaome i tuang phuamling hei nbaan tuang/kandi tuang kapi ni maek, ramme the i kandi tuang kapi rui bampui/head quarters bam ni maek ge. Mi tei rui me i gaankhat na ta sinni jaikao thaolou mak ge. Nbaan tuang ningting khou rui kariuna taansu khang sumak ge. Kabam kabam khou me i phuamling nun tei ningtha suna bam puni phuamling gaandai khatni khaloume i/diken, dinpou, khatni phuamlingme i guai rui chunchamma. Phuamlingme i akhat rui akhat ru khou ku mak ge kalam thu, phuamling khou clergy akhatni laity/thaithuaim e i akhatni echam chamme i me i nai mak puijaeng rui.

Khrista tuang phuamling hei jaojime i nai kan ne kumma aseini jaojime i hei nai muai de. Kachap tuang phuam nun rui kata nu mak ge kalam thu kaniu tuang thiak ta tei kame i rui nulou mak me i jaeng rui. Kaniu rui mi tate i/phuamling nu makme i thu kaniu le kariu timak me i jaeng rui e. Kaniu guai rui thai chuina thai e tume i thu gaansaek rui baibal na ta sui bamme i nai e tume i, kumma kaniu thu maanse i rui dinme i khou tat tupui jaeng rui

e. Kaniu rui thai e baibal khoumei phuamling thu Khrista na ta sui e khatni Kajan phuakni phung nge tumei, ki kaniu thu maansei thei lai sui the khatni maansei tuang jan phuak phung the. Kaniu tuang baansin tumei kiu thu nchummei ram makmei, ki maansei khat ta ning kasime lungning rui padik, ramme thei mei gaankhatta din kadat kadeng loumei rui su e. Tiki tho kaniu taan tei nsa khou keilou e.

Poubaomei tuang phuamling thu kagan kaguaina khou ringam guang kan de. Hi pui kandi tuang jaojime guai khatni maikuam tuang rasi nun ruina miti hei thing ngam mak ge. Kamei tei kadaeng khou mei nun khang suang thu nthiam bam nu de kida pui gan khou tho, ki tho kasing raomei ta tei guloumei supuni e (Matthew 7:13,14). Khrista katuang phuamling akhatna de naime khatni Kamei rui hi ta tei la khang jaeng neikhat guang dat puni (Ephesians 5:27; John 14:1-6). Kamei hei katuang guangdi tuang guang nge kumma Kamei rui katuang guangdi khang tei neikhat guang dat puni Raguang khou nsin lou khang (1 Corinthians 15:24). Kamei rui kanou sunime akhatna nai e (Revelation 21:9) khatni Kamei rui hita tei la khang rui guang dat puni, kajan phuak phungmei nousunime ta. Kumme thei baime nun tei thu kum kan tha? Kamei rui sa puni, 'Ai thai bam jat mak ge' tuna. Kamei rui phuai phung pat lou ngam puni kaniu guai ta (Matthew 15:13). Kaniu guai ta tei khuam kaduai lana mai khou phai lou puni.

Aniu rui ase jaenghuaina samei tho kalingmei Latding Than tuang khristian tei su khang nge. Raguang lat khou han guang dat tho khatni hi tei na rui nangta jailoumei su kan diu o. Baibal hei thai tho kumme thei nang rui nchummei tei thai puni the. Hi tei rui samei tei taan tho, kumme thei nangta gulou puni the khatni katuang phuamling, baibal khou nang rui patoumei , khou haplou puni the.

Nang rui Khrista tuang Phuamlingmei su mak he tu e thei aniu rui su khang katiu lou ni e. Raguang khou lum tho, nang paep khou rui lunglai tho, Khrista hei Raguangna e tuna nang muang khou rui sapat tho kumma duilup tho nang ta gulou khang rui (Mark 16:16; Romans 10:10; Acts 2:38). Kumme thei Poubaomei rui katuang phuamling khou haplou puni khatni nang hei khristian su puni the (Acts 2:47; Acts 11:26). Nang rui hi tei taan ni tha? Mei gaankhatna rui sinni nang ta namphu suni tuang ramme, ki, nang rui nang tuang baibal tei pa e thei, aniu rui lumme, nang rui chummei khristian tei su kan puni the tumei, kumlana, nang panti tei Poubaomei khang tipatloumei panti suna lung lana khatni Katuang guang kandi ramrei tidai pat puime nang su puni the tumei.

Latthan

Jianlouna nchummei latdao tilou o:

1. Kummei gan khou phuamling hei lingthao kan to?.....
.....
2. Phuamling asei ni nai bam dai?.....
.....
3. Gaankhat ruina tingkum ching ching hu thang tei han datna phuamling pari hei phu han dat Khang dai mi hei Poubaomei tuang phuamling nge tumei thai khang?.....
4. Asandou phuamling hei nai bam puni tuna Poubaomei rui sa bo ?.....
5. Guangdi tuang kathu kiu tabui cho?.....
.....
6. Kathu tei rui asei tabui tipat khang tha?.....
.....
7. Noah le Mousi khou Raguang rui tabui ti kan tu cho sa o.....
8. Poubaomei tuang phuamling lun thai khang tiloumei tei tabui tun nai bo?.....
9. Phuamling lam khou Poubaomei rui tabui salou bo?.....
.....
10. Baibal tuang kalingmei phuamling ta akumma aniu rui thai ngam khang?
11. Kummei tun asei Khrista tuang phuamling phang puni cho?.....
.....
.....
12. Mi phuamling hei denomination/kalangpatmei dai?.....
.....
13. Mi tei nbaan tuang kapi khatni kapibam nai dai?.....
.....
14. Phuamling tuang jaojimei kiu thou thou cho?.....
.....
.....
.....
15. Kaniu tuang baansin kiu kum tuang cho?.....
.....
16. Kagan heijumei khou hei phuamling rui ringam guang dai?.....
.....

17. Tabui khang Khrista rui guang dat ni tuang?

.....
.....

18. Aniu rui jaenghuaimei tabui khang cho?.....

.....
.....

19. Khristian sunimei phaikhuat ramme thei Khrista tuang phuamlingmei sunimei tei ti o.....

.....

Chumni khuaini hi ngui lou o:

CHUMME KHUAI E 1. Khrista rui kasiamlou mei phuamling tei aseini nai bam Me.

CHUMME KHUAI E 2. Kalingmei phuamling akhatna de nai mei.

CHUMME KHUAI E 3. Mi tei Khrista janphuak phung nge

CHUMME KHUAI E 4. Gulou khang gaankhat rui phuamlingmei suni na re

CHUMME KHUAI E 5. Khrista rui katuang phuamling khang neikhat guang dat puni.